


11. 2. 178



IOANNIS POLENI

In Gymnasio Patavino Phil. Ord. Prof.; et Scient. Societatum
Regalium, quæ Londini et Berolini sunt, Sodalis

D E

C A S T E L L I S


PER QUAE DERIVANTVR

FLVVIORVM AQVAE

HABENTIBVS LATERA CONVERGENTIA

L I B E R.

*Quo etiam continentur nova Experimenta ad Aquas Fluentes,
& ad Percussionis Vires pertinentia.*



P A T A V I I. C I O I O C C X V I I I.

Typis Iosephi Comini.
Superiorum Permissu.

Illustrissimis atque Excellentissimis Viris
 REI LITERARIAE MODERATORIBVS
 FRANCISCO SVPERANTIO
 Aedis D. Marci Procuratori,
 IOANNI PASCHALICO,
 MICHAELI MAVROCENO,
 TOTIQUE TRIVMVIRVM LITERARIORVM
 ORDINI AMPLISSIMO

Ioannes Polenus S. P. D.



NON eram nescius, cum proprietates
 aliquas fluentium aquarum tractarem se-
 cundum precepta Doctrina, et eas mandarem latinis litteris,
 atque inscriberem VOBIS, VIRI AMPLISSIMI,

A 2

feri

feri posse, ut hic noster labor in varias reprehensiones incurreret. Nam quibusdam magnopere displicet hoc totum genus philosophandi de rebus, quas unice longo usu et operandi exercitatione addisci debere, opinantur. Contra quos tamen nihil dicendum mihi esse videbam, qui nondum audiissem quempiam eorum sententiam suam aptis argumentis, atque rationibus defendentem (hoc autem uno modo de hisce rebus est disputandum) daturus ceteroquin, esse tantum in usu momenti, quantum velint; dummodo ne primus, et solus sit usus, sed ad Doctrinam ipsam accedat. Tum providebam, futuros qui, cum adhuc Itali Homines de hisce rebus italica lingua scripserint, haud probarent, me secutum non fuisse illorum exemplum: non deerat tamen quo istis satisfacerem; prudenter quidem alios Scriptores id fecisse; me vero, cum alias ob causas, tum ob mihi perspectam ingenii mei exiguitatem, hac voluisse ea lingua proponere, quam cum plurimi intelligant, plurimi etiam que proponuntur meliora possint efficere. At cum sentirem me posse reprehendi, quod tenue hoc opusculum **VOBIS, VIRI AMPLISSIMI**, inscriberem, quibus propter Genus ac Nobilitatem summam, prestantissimasque Dignitates verendis, nihil nisi perfectum ingenio, nisi elaboratum industria, nisi optimum offerendum est; commoverbar enim vero; et hoc unum ab incepto me retraxisset, ni statim ad egregias atque eximias Virtutes Vestras, quibus

quibus estis consecuti difficillimam illam societatem Gravitas cum Humanitate, animum convertissem. Summa itaque ista Humanitas Vestra spem fecit; fore ut opusculum, quod ornatum commendatione Vestri Nominis a me jam emittitur, benigne exciperetis. Quod si praterea id consequar, ut sin minus industria, voluntas certe ac diligentia mea VOBIS probetur; videbor sane mihi hujusce mei laboris fructum uberrimum consecutus. Valete.

Pataxii. X. Kal. Iul. CIO IOCC XVIII.

IOAN.

(1)



IOANNIS POLENI
D E
CASTELLIS
PER QVAE DERIVANTVR
FLVVIORVM AQVAE
HABENTIBVS LATERA
CONVERGENTIA
LIBER.



VONIAM illis cuiuscumque colendæ Doctrinæ partibus dari opera diligentius debet, in quarum consideratione Homines sunt hæctenus aut nullo, aut minore studio versati: iccirco postquam fluentium aquarum Doctrinæ eam partem, quæ ad Mixtum aquæ Motum attinet, adinveni quodammodo, & tractavi, mecum ipse statui ad integram aliquam & intactam ejusdem Doctrinæ partem aliam, succisivis horis, studium cogitationemque convertere. Neque tamen a me talis pars

pars fuit inquirenda . Sese quasi obtulit investigandus Motus aquæ fluentis per Castellum , cujus latera convergant ; & hic ad putandum etiam Motum aquæ fluentis per Canalem habentem orificium alterum amplius , angustius alterum , me impulit : quo in Motu declarando quod neminem antea elaborasse intelligerem , omnino sic censui ; posse eum haberi tamquam fluentium aquarum Doctrinæ partem integram intactamque ; ac proinde facturum me pretium operæ , si eandem pro viribus exornarem .

2. Nactus igitur ex occasione argumentum , rei manum admovi ; & quæ cogitavi , aut præstiti , ita in Librum hunc sunt conjecta . Primum (quasi ut præmittantur prolegomena) ostenditur , bene multa Flumina ab Arte fuisse effecta : Artem ipsam , non modo Fluminibus iis fecisse alveos , verum etiam , ne ex alveis Flumina effluerent & curavisse , & curare pluribus modis ; aut moliendo aggeres ; aut nimis tardum aquæ motum augendo ; aut minuendo nimis celerem ; aut aquam per Fossas derivando ; ita vero fieri talem derivationem , ut Fossas ipsas per structa in aggeribus Castella influant aquæ : me hunc ultimum modum , & in hoc præsertim proprietates Castellorum habentium latera convergentia (hortante peculiari quadam rei difficultate) attendisse . Deinde , quandoquidem sciendum est quantum aquæ per illiusmodi Castella transeat , plura ad id narrantur Experimenta , quibus nova quædam ac mira contineri videntur : a parietibus nempe Canaliū , sive mutum , sive parum convergentibus , quantitates fluentium aquarum semper paullum immutari ; aquam effluentem ex nudo foramine plus contrahi , quam exeuntem ex tubo ;

tubo ; & , quod mirum magis est , per nudum foramen multo minus aquæ transire , quam transeat tempore eodem per tubum , cujus cavitatis diameter æqualis sit foraminis diametro ; eandem tamen & quod ad tubum , & quod ad foramen attinet , inter velocitates & altitudines aquæ in vase rationem servari : ex quibus potest apparere quomodo pro æstimatione aquæ transeuntis per illiusmodi Castella poni debeant fundamenta , quod efficere animo proposueram . Ad extremum , cum in eorundem Castellorum latera fluens aqua impingat , inquiruntur tum momenta impulsuum , quæ varia sunt ; tum vires , quibus pollent particule aquæ fluentis , sive quantitates effectuum integrorum , quos edere possunt aquæ particule quamdiu sunt in motu , pro varia quam habent velocitate : qua occasione , celebris & a Viris Doctissimis agitata plures ante annos de viribus motorum corporum controversia Experimento claro certissimoque dirimitur : interpositis aliquibus de corporum motu ex percussione : & quibusdam additis spectantibus ad causam , cur propositæ vires tales sint , quales esse cognoscuntur .

3. Si quæ alveorum Fluminum origo fuerit notum nobis esset , nota etiam nobis fierent facilius multa , quæ Doctrinæ aquarum apprime conducere . Sed sperandum id minime est ; cum de tali origine alii alia tradant , nemo autem quidquam certi solidique constituat . Placet quibusdam , Fluvios plerosque progigni fortuita veluti quadam mutatione inter loca aquosa , atque arida ; qua vicissitudine , sese convertentibus sæculis , Terræ faciem

B

muta-

mutari putant: non tamen hæc tueri satis queunt; cum falsum sit eorundem præcipuum argumentum desumptum ab æternitatis mundi sententia. Malunt alii, plerosque Fluvios esse ipsi mundo cœvos, factos nempe a Deo Opt. Max. cum separavit aquas ab aquis; & elementum aquæ accommodavit Globo huic, quem habitamus: at in sacris Libris firmumne ullum hujusce rei argumentum invenient? Fuere quoque qui contenderent, post varias ex universali diluvio mutationes, in Terra hac nostra formatos fuisse, uno tempore, disruptione quadam extrinsecarum Terræ partium, montes, valles, maria, lacus: deinde vero imbrium aquas per declives montium partes, ac per humillima quæque vallium loca profluentes tum aggeravisse valles importatis secum terræ partibus, tum suis motibus fecisse alveos, per quos tandem usque ad mare pervenirent; quæ aquæ hac ratione fluentes Fluvii appellatæ fuerint: quid tamen certi dici potest; quid afferri, præter conjecturas neque sane perspicuas?

4. Placet mihi ubi in rerum naturalium origines inquiratur, Cel. Christiani Hugenii sententiam (quamvis aliquando possit de eadem aliquid derogari) in memoriam sedulo redigi: „ mihi „ (inquit Vir Doctissimus) „ magnum quid consecuti „ videbimur, si quemadmodum sese habeant res, „ quæ in Natura exstant, intellexerimus; a quo „ longissime etiam nunc absumus. Quomodo autem „ rem quæque effectæ fuerint, quodque sunt esse „ coeperint, id nequaquam humano ingenio excogitari, aut conjecturis attingi posse existimo. „ Consilium itaque fuerit sic statuere: quæ illi de natu-

naturali Fluminum origine protulerunt verisimilia secuti, non esse regulas, quibus aquarum derivationes, aut conjunctiones metiri debeamus.

5. Sequuntur alii, qui plurium Fluminum alveos manu factos fuisse autumant, his præsertim rationibus permoti: quod scilicet novorum fontium aquæ non sibi novum alveum excavent, sed sese per humiliores campos longe lateque expandant: quod prope fontes multorum Fluminum sint lacus, quorum aquis arte aperti esse videantur exitus per Fluminum ipsorum alveos, ne tandem lacus illi, sine ullo exitu, vicinas omnes regiones occuparent: quod ingentium operum manu factorum ad aquas avertendas, aut derivandas luculenta exempla ex historiis possint afferri; ut derivatio ingentis Fluminis Flavi a Seribus facta; aversio magna ex parte aquæ Euphratis ad imensos agros irrigandos; ejusdemque in fossas deductio, quo tempore ædificabatur pons; lacus Fucini derivatio; fossæ, quibus Nilus cum Rubro Mari conjungebatur: & alia plura addenda his, quorum e numero nonnulla sunt, quæ seris hisce temporibus, qua ætate quaque ratione fuerint effecta plane ignoramus.

6. Quæ si diligenter attendamus, aut nihil, aut sane parum ficiemus doctiores de naturali Fluminum origine prima: illud tamen sine dubio comperiemus, aquas multas esse, quæ via non parata Naturæ opera, sed manu Hominum facta, ad finem suum devolvantur. Id vero in primis erit attendendum molientibus quidpiam novi pro fluentibus hujuscemodi aquis; & diligenter inquirendum, an ipsa Natura, an æmula Naturæ Ars aquas ad iter

tali via conficiendum adegerit . Quod ubi erit in comperto hanc percipiemus non contemnendam utilitatem , ut sciamus an ad præsentia dumtaxat commoda comparanda , an vero ad rerum etiam antiquarum cogitationem debeamus curam animumque convertere . Nam, si naturali via cursuque ferantur aquæ, loci & motus aquarum natura considerari debet: at si comperiat, aquas aliqua Artis molitione secundum alveos manu factos iter dirigere, non modo loci , & motus aquarum natura, ut ante, considerata erit; sed causæ etiam, cur olim Ars molita sit opera illa, curque mutaverit cursus aquarum .

7. Navigationis usus, & ad plura loca perductio; irrigationes pratorum, agrorumque; contra etiam agrorum exsiccationes, & faciles pluviarum, necnon colluviariorum exitus; hydromylarum, machinarumque agitationes; & horum similia plerumque movent Homines, ut arte procurent commoda, quæ a rebus hujuscemodi percipiuntur . Quare cum opus erit quidpiam novi moliri iis in locis, in quibus alvei ad recipiendas aquas manu facti ante fuerint, respici debebunt modo dicta: ut si Ars debeat vel formam rerum antiquam restituere, vel novam inducere facilius exequi propositum queat, cum ex cognita veteris operis causa cognoscet etiam quæ eidem operi advenerint temporum diuturnitate mutationes.

8. Hæc autem plurimi facienda commoda necessarium duximus hic indicare; ut non sola Naturæ opera, sed opera etiam Artis habenda ante oculos esse moneremus. Ceterum hæc indicata sunt satis,
ut

ut arbitror, aperte; quilibet enim, qui hæc universali quadam ratione exposita in memoria habeat, facile poterit ipse eadem aptare iis rebus infra exponendis, quibus talia convenire posse videantur.

9. Nunc transeo ad ea, quæ diligentissime debent animadverti: sunt autem aquæ turbidum, & aquæ copia. Ac illud in primis constituo, frustra conari Artem quidpiam efficere contra leges naturales motuum, quorum viribus limosæ aquæ partes, quantum fert talium partium motuumque natura, veluti suspensæ detinentur: frustra etiam laborare, si tentet, naturalem rationem inter aquæ copiam, ejusdemque velocitatem infringere. Quare eo spectare Artis industria non debet, ut Naturam ad res illas, quas ipsa Ars molitur, cogat; sed ut suam industriam cum Naturæ legibus atque rationibus ita conjungat, ut Natura in societatem operis adducta id ultro (ut ita dicam) efficiat, quod est efficiendum. Hoc tamen cum a vulgi captu sit alienum, cumque vulgus idem rerum mirabilium specie maxime capiatur, facile sit, ut popularis aura favcat illis, qui se eo, quo velint, Naturam vel invitam adducere posse venditant.

10. Sed redeo in viam: jam enim ad postremum considerandum, hoc est, aquæ copiam, institutum propositumque vocat. Si alicujus Lacus, Fluvii, Fossæ alveus nimia aquæ copia labore, remedia ad quattuor summa capita possunt revocari.

11. Primum: si periculum sit, ne aquæ præ nimia copia aut agros superent, aut vincant ipsis oppositas, si quæ sint, moles; juvabit alveos excavare, ut altius depressus sit fundus; juvabit novos
con-

construere aggeres; aut pro re nata veteres cæspitibus, terra, palis communire & augere. Qua in re præstabit meminisse, summum aquæ vi exigua polle-
re: itaque non major quidem terræ copia, quam
quanta aratrum sulcum ducendo solet egerere aran-
do summam aggeris partem, redundantes aquas,
atque jam superfluentes continuerit: secus est in iis
locis, in quibus altæ aquæ sunt. Hic quid super-
poni aggeribus debeat, ne summæ aquæ superfluant,
non tam est considerandum, quam quid adden-
dum inferioribus aggerum partibus, ne ab aquis
fundo magis vicinis atque impetu magis valido
præditis ipsi aggeres disrumpantur.

12. Alterum: si alicubi aqua retardetur, atque
adeo imminuta celeritate, copia crescat; expediet
curare, ut aqua ipsa rapidior fiat; sic enim diffi-
lius intumescet. Fiet autem rapidior, purgato ab
impedimentis alveo, ductis recta fossis, quibus
Amnium circumitiones, atque anfractus tollantur,
minuanturque, apertis & secundum faciliorem viam
(de qua re in secundo Libro de Motu aquæ Mix-
to multa diximus) factis Fluviorum ostiis, ut a-
qua ipsa facilius ad humillimum, quem petit, lo-
cum, devolvi queat.

13. Liceat revocare huc regulam, quam in cita-
to Libro posui; ut scilicet secundum varias loco-
rum amplitudines juvetur aquæ motus ubi alveus
sit parum declivis, non ita in locis, ubi alveus
fatis declivis: de cujus regulæ prima parte spectan-
te ad motus juvandos, cum modo ^{Art.} dictum sit;
12. restat, ut ex secunda parte ad continendam nimiam
copiam aquæ remedium tertium desumamus. Id
erit

erit impedimentum aliquod (ut aditus in muris, ut plures lapidei arcus) cujus opere minuetur velocitas aquæ, ne præceps feratur per ea declivia loca, in quibus vel a montium radicibus, vel ab alveis alte infra agros depressis ea ratione continetur, ut etiamsi intumescat, finitimis tamen regionibus nullum inundationis periculum affert. Haudquaquam novum remediî genus id est. Apparent in Clane Fluvio magnæ reliquæ murorum, qui a Romanis olim fuerunt extructi, & qui sane non tam ad munimentum, quam ad modum ponendum venientibus a fonte aquis facti esse videntur. De hoc remedio ad quasdam celerrimas quasi torrentium aquas comparando, cogitationem fortassis haud inutilem injicient qui in earum dirigendarum cura longo ab hinc tempore versantur. Porro inter omnes Fluminis cursus ab origine ad fines ultimos æquam rationem interesse oportere, ita apertum est atque manifestum; ut id, quamvis necessario, ferme tamen invitum inculcem.

14. Demum: si effodiantur fossæ, per quas Fluviorum aquæ exonerari queant, ex ipsis remedium habebitur ad ea incommoda, quæ tunc ex nimia aquæ copia percipiuntur; cum Fluviorum capacitas eidem continendæ impar est. Hujusmodi Fossas (vulgo *Diversivi*) diversionum Fossas appello. Emissaria dici potuisse suspicor, quod a Svetonio fossa, ad derivandum Fucinum Lacum, Emissarium dicta fuerit.

15. Cel. P. Kircherus verba fecit (in Libro, cui titulus, Latium: pag. 260) de talium Fossarum usu alio ad Flumina purganda. „Dixi „(inquit)
„ supra

„ supra ad principalia Flumina utrinque laterales
 „ Fossas effici debere, ad has itaque opportunis lo-
 „ cis lignæ cataraetæ construantur, ut per eas
 „ tempore purgationis aquæ Fluminis in laterales
 „ Fossas derivatæ Flumen aquis minutum relin-
 „ quant: & sic operarum auxilio alveus perfecte
 „ purgari, limus educi, radices extirpari, aggeres
 „ eadem opera utrinque per excrementorum coa-
 „ cervationem notabile incrementum accipere pos-
 „ sunt. Quam quidem rationem præ ceteris tam-
 „ quam purgandis Fossis aptiorem adhibendam exi-
 „ stimavi, utpote multarum Nationum usu, &
 „ experientia confirmatam „. At cum magna sit
 talis operis difficultas; neque Kircherus multas il-
 las Nationes nominet, satis erit ipsius verba de-
 scripsisse.

16. Neque pluribus artificium utile persequar,
 quo efficitur, ut per diversionum Fossas tantum di-
 vertere aquarum quis possit, quantum superfluere
 necesse esset eo tempore, quo Flumina immodico
 illarum proventu turgescunt. Non enim desunt,
 qui extra id tempus ejusmodi Fossas (utut Aditus a
 Fluminibus minus alti sint quam Fluminum alvei)
 tum navigationi officere putent, si ipsæ Fossæ ali-
 quando inminuant necessariam aquæ quantitatem,
 tum Fluviorum conservationi, pro qua velocitas, at-
 que adeo aquæ copia, requiritur. Quibusdam itaque
 videtur, modo indicati artificii ope averti hæc
 damna posse; nempe si Fossarum a Flumine Aditi-
 bus aperiendis claudendisque cataraetæ, portæve,
 aut superpositarum trabium moles præficiantur;
 quibus, cum opus est, sublati, alioquin nocitura
 aquæ

aquæ quantitas a Flumine per Fossas alio deducatur.

17. At horum, quos modo nominavi Adituum a Flumine, & locorum, per quæ primum aquæ derivantur, figura atque magnitudo maximi momenti sunt: hæ vero ut integræ conserventur, opus esse, mole aliqua contineri influentes aquas, manifeste apparet. Si ex Flumine (*Fig. I.*) AG derivanda sit aquæ pars aliqua per Fossam BH; qua Fluminis aquæ in Fossam patet prima via CIRD, munitiones duabus de causis fieri debent. Primum ne magna violentia Fossam ingrediens aqua corrodât latera CI, DR, atque inundationibus iter aperiat: tum præterea ut, aquæ per Fossas derivandæ proposita quantitate, ipsi conveniens latitudine ac altitudine lumen, ceu mensura quædam, firmiter ac solide constituatur. Loca, per quæ deducantur primum aquæ, a Columella Lib. V. de Re Rustica, & ab Ulpiano, Lege Prætor ait l. in §. Secta ff. de Rivis, nominantur Incilia: nos tamen propter partium munitionem, & propter similitudinem cum Aquæductuum Castellis, lumen CIRD munitum, de quo modo verba fecimus, Castellî vocabulo nuncupabimus: luminis pars CD, per quam Fluminis aqua Castellum influit, dicetur Castellî Aditus a Flumine: luminis pars alia EF, per quam aqua ex Castello effluit in Fossam, dicetur exitus Ostium. Cum autem variæ figuræ variis Castellis dari queant, nos Castella dumtaxat illa sumus consideraturi, quorum latera CI, DR plana sunt, & ad perpendicularum posita; ac in ipso Aditu CD a Flumine magis inter se distant, quam in Ostii exitu EF: quare

C

conver-

convergentia appellantur; propterea scilicet quod si producerentur, in unam eandemque lineam positam ad perpendicularum inciderent ambo.

18. Monebo hic, esse quædam Castella, quæ habent laterum principia convergentia, ut (*Fig. III.*) CE , DF , ab his tamen diversam positionem habent proximæ partes EN , FO (vidi in Libro, cui titulus Petri Post Architectura, similium Castellorum imagines; quibus imaginibus etiam cataractæ, ut quidam Lacus, seu Flumen communicet cum Mari, effectæ repræsentantur) Cum aqua per Aditum CD influit, etiamsi parva esset longitudo partium CE , DF , deberet tamen Castelli pars illa $CEFD$, tamquam Castellum habens latera convergentia, reputari.

19. Etsi vero, de universa quadam directione aquarum cum hætenus disputaverim, jam sentio, me videri longius provectum, quam proposita ratio postulabat: confido tamen, eos, qui sapiunt, dicta a proposito minime aliena judicaturos; præsertim, cum sciam, eos non requirere, ut omnia cum proposito conveniant similitudine tanta, ac si eodem essent ovo prognata. Bonam ideo veniam huic scribendi libertati & speravi, & deinceps etiam eadem ratione sperabo.

20. Redeo ad Castellum (*Fig. I.*) $CEDF$, cujus
 * 17. latera convergunt, & cum ante * dictum sit, fieri Castella duabus de causis; ut sint veluti mensura quædam quantitatis aquæ per Fossas divertendæ; simul ut violentiæ aquarum irruentium opponantur: quid his conferat figura Castelli propositi, jam inquiram. At quoniam plura sunt ad hæc res pertinentia, quæ in figura ipsa sese offerunt, neque tamen omnia

omnia uno tempore absolvi & perfici queunt; cum vera proferre, cordi magis est, quam multa, ut ut incerta, venditare: iccirco operæpretium me facturum existimavi, si duo, quæ maximi momenti sunt, vestigarem.

21. Quod enim attinet ad aquæ mensuram; putavi aliquot Experimenta fieri oportere, ex quibus veræ conjecturæ de quantitate aquæ transeuntis per Castella, quorum convergant latera, duci possent: & quod attinet ad motus aquæ violentiam; ratus sum, de impulsibus particularum aquæ in Castella impingentium esse dicendum. Præter hæc autem motorum corporum vivas vires sic determinabo, ut nullus possit dubitationi locus superesse.

22. Nunc igitur primum Experimenta videamus. Quibus antequam manum admoverem, animadverti, concipiendum aninio esse, cum Fluminibus Fossas ea positione conjungi, ut linea secundum rapidiorem Fluminis cursum (qui ab aliquibus spiritus aquæ dictus est) cum linea secundum longitudinem Fossarum ducta angulum ferme rectum comprehendat; qua re Fluminis aqua in Castellum non incurrat motu jam vigente, & ex alvei declivitate præconcepto: atque inde intelligendum, motum, quo aqua Castellum *C D F E* ingreditur, a sola pressio- nis vi originem habere, quoniam scilicet partes aquæ inferiores a superioribus comprimuntur; compressæ vero conantur moveri, urgentque ripas; quas ubi in *C D* incisas invenit aqua, deficiente impedi- mento, Castellum ingreditur, inque Fossam diver- tit. Ergo ut experiundo cognosceretur quantitas

C 2

aquæ

aquæ propositum Castellum influentis , versandum erat in Experimentiis attinentibus ad motum aquæ ortum ex aquæ superincumbentis pressione; quem in Libris de Motu aquæ Mixto Simplicem Motum nuncupavimus.

23. De hoc motu, quem sola pressio aquæ pro-gignit, tria in Experimentis observatu digna maxime sunt: magnitudo aditus, per quem transit aqua; aquæ velocitas; & quantitas aquæ, dato tempore, per datum aditum fluens. Si horum duo ex factis observationibus cognoscantur, tertium quoque notum habeatur necesse est. Recta vero methodus scrutandi Experimentis Naturæ operationes id postulat, ut in primis de omnibus quæsitis rebus conjectura aliqua capiatur; qua capta, deinde periculum fiat rerum illarum, quæ putentur posse facilius certiusque cognosci. Quod in Experimentis mirum quantum valeat. Cognitu itaque cum faciliores sint magnitudo aditus, per quem fluit aqua, & quantitas aquæ; hæc duo adhibere volui, ut ex ipsis habita velocitate cognitu difficiliore, & sæpe fallente etiam Viros hujuscemodi rerum Peritos, tandem omnia cognoscerentur.

24. Cum Vasa, aqua, Operæ, & alia commodiora essent eo in loco, ubi illa Libro primo de Mixto aquæ Motu (pag. 25) explicata institue-ram, ibidem habui Experimenta: atque Vasis eodem modo, ac tunc feceram, dispositis usus sum. Vas prægrande supremum τ (*Fig. II.* In hac Figura partes, quæ sunt exiguæ, nequiverè propria proportionè repræsentari) erat illud idem, quod prius adhibitum fuerat: Vas s intermediū paullo majus
co,

eo, quod in iisdem Experimentis locum intermedium habuerat: Vasis autem & minimi, & infimi p, figuram frustum magni coni (ut alia) referentis, erat diameter fundi pedum quattuor, pollicum quattuor, linearum quattuor; diameter oris pedum trium, pollicum quinque, linearum octo; altitudo ad perpendicularum, nempe altitudo aquæ ipsum implentis, pedum trium, pollicum quinque, linearum undecim. Hoc est; Vas ejus erat capacitatis, ut aquæ pollices cubicos 73035 posset continere. Hoc Vas erat in fovea demissum, & in id influebat ex Vase intermedio s effluens aqua.

15. Sed ut etiam ex Vase r defluere semper tanta aqua posset, quanta opus esset, ut in Vase intermedio s (quamvis ex hoc emitteretur aqua per foramen inferius) aquæ altitudo continenter eadem esset, non usus sum epistomiis, quemadmodum ante usus fueram, sed rem hac faciliore ratione perfeci. In fundo Vasis r excavato in orbem foramine hy, cujus diameter linearum viginti; curavi, ut contus ri ita tornaretur, ut ima ejus pars extrema i esset præacuta, at pars l distans ab ima parte i pedes duos tam esset crassa, ut ipsius diameter pollices duos exæquaret, atque adeo tota pars li coni figuram referret. Ea vero conti erat longitudo, ut altera ejus extrema pars r Vasis r summum excederet. His ita paratis, manibusque prehensa conti parte r, quo contus ipse inferius demittebatur, eo minus aquæ inter foraminis parietes, & cuspidem conti defluebat; contra autem quo attollebatur magis, major habebatur aquæ effluxus; demum cum demitteretur maxime, foramen prorsus obstruebatur.

Præter

Præter hoc foramen facta fuerant duo alia foramina suis pariter contis instructa; quæ in Figura desunt; ne, omnibus positis, distinctio necessaria deesset. Ceterum ex hoc modo, quo in Vas intermedium s tanta aqua semper demitti potuit, quanta præcise opus erat; & ex pluribus tenuium virgultorum fasciculis ordine suppositis aquæ desuper delabenti, eidemque delapsæ placidam quietem reddentibus, tam certa (quamvis aquæ effluentis copia multo major esset, quam in aliis hæcenus factis hujuscemodi Experimentis) tam certa, inquam, orta est pro Experimentis ipsis instituendis ratio, ut videretur certior desiderari non posse. Qui ad hunc modum rem iterum tentare velit, veritatem (dummodo ne diligentia desit) fidelibus oculis manifeste subijcere poterit.

26. Hæc de Vase τ supremo. At in Vasis s intermedii pariete prope fundum erat excavatum foramen, cui apponerentur aptarenturque ærei canales in Experimentis adhibendi. Canalibus primum adhibitis data erat figura $NQZF$ infundibuli, nempe frustri conici rectanguli (toto Libro conici, & cylindri pro rectangulis semper habeantur: frustum autem conicum dici aut „ curticonus „, aut „ conus decurtatus „, etiam potuisset) secti duobus planis ad conici Axem rectis, atque efficientibus duos orbes, sive duos tubi orificia; quorum illud FZ ad apicem conici versus (si conus esset integer) dicemus orificium minus; alterum vero oppositum NQ majus orificium appellabimus, idque majus foramini Vasis s semper apponebatur, aptabaturque sic, ut planum transiens per ipsum esset Horizonti ad perpendicularum. Pars Axis
inter

inter centrum unius orificii, & centrum orificii alterius nominabitur longitudo conici frusti: & linea brevissima ab orificii majoris centro ducta ad summum aquæ contentæ Vase s nuncupabitur aquæ in Vase s altitudo. Demum illud ponemus; aquam FZK effluentem (velocitate, quæ minimi momenti non sit) per foramen aliquod, aut per orificium in orbem excavatum, ut FZ , figura æmulari, quousque parum abest ab ipso orificio, terebrem funem, seu venam: observavi enim, ut infra narrabo, non esse eandem ubique effluentis aquæ crassitiem; neque diametrum ambitus funis, seu venæ aquæ (ut ita dicam) illius præditam esse magnitudine eadem in ipso orificio FZ , ac prædita est diameter VA ambitus observati in exigua ab ipso orificio distantia; sed post primi effluxus locum contrahi quodammodo aquam; & ipsius venæ partem aliquam usque ad VA , vel ad OC fieri exiliorem. Inferius vero propter mutationes velocitatum & directionum particularum aquæ res fit incerta. Nos igitur, facilitatis causa, minimi ambitus diametrum, ut VA , nominabimus contractæ aquæ diametrum. Observavimus autem hujuscemodi contractionem tam in aqua effluente per foramina in laminis insculpta, quam in aqua per conica frusta, aut per tubos effluente.

27. Porro aquæ transeuntis per foramen in lamina insculptum contractionem observaverat Vir Summus Isaacus Newtonus; cujus observatio exposita in secunda editione Principiorum Mathematicorum Naturalis Philosophiæ (pag. 305.) quoniam ad rem nostram valde pertinet, hic ut descripta esset, necessarium duximus. „ Parabam utique laminam „
(inquit)

(inquit) „ planam pertenuem in medio perfora-
 „ tam, existente circularis foraminis diametro
 „ partium quinque octavarum digiti. Et ne
 „ vena aquæ exilientis cadendo acceleraretur, &
 „ acceleratione redderetur angustior, hanc laminam
 „ non fundo sed lateri Vasis affixi sic, ut vena
 „ illa egrederetur secundum lineam Horizonti pa-
 „ rallelam. Dein ubi Vas aquæ plenum esset, ape-
 „ rui foramen, ut aqua efflueret; & venæ diame-
 „ ter, ad distantiam quasi dimidii digiti a forami-
 „ ne quam accuratissime mensurata, prodiit par-
 „ tium viginti, & unius quadragesimarum digiti.
 „ Erat igitur diameter foraminis hujus circularis ad
 „ diametrum venæ ut 25 ad 21 quamproxime.

- * 24. 28. Præter res ante * recensitas erat in promptu
 25. Horologium (ut ajunt) oscillatorium indicans se-
 26. xagesimas horæ partes, & sexagesimarum sexagesi-
 mas; partes illas de more designabimus una lineo-
 la superposita, has designabimus lineolis duabus
 superpositis.

29. Principio itaque foramini Vasis s aptatum
 fuit conicum frustum, cujus erat majoris orificii
 diameter linearum 42 minoris orificii diameter li-
 nearum 26, longitudo conici frusti (quæ eadem
 etiam fuit in tribus reliquis frustis) linearum 92.
 Orificium minus f2 fuerat tereti ligno obturatum.
 Contentæ autem aquæ in Vase s altitudo (hæc
 semper eadem in aliis Experimentis habeatur, quo-
 usque contrarium moneamus) erat linearum 256, &
 aquæ summum attingebat foraminis M insculpti in
 Vasis s pariete inferiorem partem.

30. Rebus ad hunc modum paratis, uno tempore
 ab

ab orificio FZ obturaculum removebatur, & incitabatur Horologium. Atque dum Vasis medii s aqua influebat Vas infimum P, interea per foramen HY in fundo supremi Vasis T insculptum, & per duo reliqua, attollendo contos (ea, quam ante * exposuimus ratione) inmittebatur in Vas me-^{* 25.}
dium s tanta aqua, quanta ex medio Vase s in Vas infimum P tempore eodem influebat. Quo momento aqua attingebat orificium summum Vasis P, Horologii motus prohibebatur, obturabaturque conicum frustum. In hoc Experimento observatum fuit, tantam aquam effluxisse per orificium FZ, quæ Vas P infimum impleverit tempore 2' 57". Hoc eodem Experimento iterum facto, Vas P impletum fuit tempore 2' 59". Contractæ aquæ diameter fuit linearum 25 & 1 : 4. Hanc & reliquas omnes aquæ contractæ diametrorum mensuras definitas esse quamproxime, hic statim moneo; si opus est monere id, quod suapte natura non alio modo percipi potest.

31. Mutavi deinde conicum frustum, & loco primi aliud posui, cujus majoris orificii diameter erat linearum 33, atque minoris orificii diameter erat æqualis diametro minoris orificii frusti conici primo adhibiti, nempe linearum 26. Instituto, ut ante *,^{* 30} Experimento; observatum fuit, Vas infimum P aqua ex tali frusto conico effluente repleti tempore 2' 57": re iterum tentata, eædem temporis partes numeratæ sunt. Et fuit linearum 25 contractæ aquæ diameter.

32. Eodem quoque modo rem bis tentavi alio frusto conico habente in diametro orificii majoris lineas 60, in diametro orificii minoris lineas 26. Et

D

Vas

Vas infimum P repletum fuit aqua effluente ex Vase medio s , primo Experimento tempore $3'$; eodemque præcise tempore etiam secundo Experimento. Contractæ vero aquæ diameter linearum 24 inventa est.

33. Ultimi, quod adhibui, conici frusti diameter majoris orificii erat linearum 118 , diameter orificii minoris erat (ut aliæ minorum orificiorum diametri) linearum 26 , Factis eadem, qua prius, ratione Experimentis; primo Experimento tempus, quo impletum fuit infimum Vas, observavimus $3' 4''$; secundo Experimento $3' 6''$ observavimus. Atque linearum 23 & $1;2$ contractæ aquæ diametrum invenimus.

34. Cum ea Vasorum molitio in promptu esset, nolui occasionem prætermittere tentandi quædam propositæ rei, aliisque facile profutura. Ideo curavi ut aptaretur Vasi s æreus tubus, cujus cavitas ad cylindri similitudinem erat (talis est tubus (*Fig. IV.*) 1 A Z) resecto lignea corona Vasis s foramine jam nimis amplo. Hujusce tubi erat ubique diameter cavitatis linearum 26 , longitudo linearum 91 . Ad eum itaque modum, quo cum conicis frustis uter, Experimenta institui hoc tubo; & primo Experimento observatum fuit, Vas infimum P reple-ri aqua effluente ex intermedio Vase s tempore $3' 8''$; secundo Experimento tempore $3' 7''$; tertio Experimento tempore iterum $3' 7''$. Contractæ aquæ diametrum linearum 24 & $1;2$ esse cognovimus.

35. Demto tubo, curavi affigi Vasi s laminam ferream, in qua erat foramen excavatum in orbem (tale est foramen (*Fig. IV.*) DP in lamina EF)
cujus

cujus diameter erat linearum 26, ut ceterorum, ex quibus medii Vasis s aqua effluxit, orificiorum diametri fuerant. Res vero omnes cum essent, ut antea, paratæ; primum Experimentum instituens observavi, Vas infimum (*Fig. II.*) p repleri aqua effluente ex medio Vase s tempore 4' 36"; secundo Experimento repleri denuo tempore 4' 36"; tertio Experimento tempore 4' 38". Fuit autem contractæ aquæ diameter linearum 20 & 1 : 2.

36. Monebo hic (quoniam Experientiæ aliæ docuere, id non esse prætermittendum) considerari etiam posse foramen hoc ut habens figuram cylindri, cujus basis diameter linearum 26; & crassitiem ferreæ laminæ fuisse ferme unius lineæ. Monebo præterea, orificia frustorum conicorum, tuborumque Vasi aptanda in coronas reflexa desisse; quarum tamen coronarum plana ibi, ubi reflexio a parietibus sive frustorum, sive tuborum, angulos ferme rectos efformabant.

37. Injecto in summum aquæ Vasis intermediis nigro vino (quemadmodum fecisse atramento narrat Clar. Ioannes Ceva in Opusculo de Vasis, pag. 33) infectaque sic fusco colore suprema aquæ parte, illud idem, quod Ceva, observavi; nonnisi post longiusculum tempus infectionem aliquam ejusdem coloris in effluente aqua apparere.

38. Post hæc ut viderem an aliqua differentia interesset inter aquam effluentem per foramen in Vasis pariete excavatum, & aquam delabentem ex foramine excavato in Vasis fundo; curavi, parietem Vasis refici, & laminam ferream perforatam affigi Vasis fundo hunc in finem pariter perforato;

D 2

præ-

præterea in Vasis pariete aperiri fenestram D ea ratione, ut cum summum aquæ in Vase s infimam fenestram partem attingeret; esset, ut ante *, aquæ in Vase s altitudo linearum 256. Deinde Experimentis de more institutis; primo Vas P aqua ex Vase s effluente repletum fuit tempore 4' 40"; secundo, tempore 4' 39". Et comperimus lineas circiter 20 pro diametri aquæ contractæ mensura.

39. Nondum aquæ in Vase s altitudinem mutaveram; itaque quid ejus quoque efficeret mutatio experiri decrevi. Restituta igitur lamina ferrea priori loco in pariete Vasis intermediæ s, facta fuit infra fenestras M, D alia fenestra X; ut, cum aquæ summum attingeret ipsius fenestram partem inferiorem, esset linearum 128 in Vase s aquæ altitudo. Quod vero attinet ad reliqua, nihil in re tentanda mutatum. Primo Experimento, aqua effluens ex foramine ferreæ laminæ implevit Vas infimum P tempore 6' 37"; secundo Experimento, tempore 6' 36". Aquæ contractæ diametro 20 lineæ fuerunt æquales.

40. Postea loco foraminis in lamina ferrea tubum * 34. ante * descriptum adhibui; curavique, ut esset aquæ in Vase s altitudo eadem linearum 128. Aqua ex hoc tubo effluente, duo habui Experimenta; in quorum primo observavi tempus conversum interrim dum impletum fuit Vas infimum P extitisse 4' 24"; in secundo autem 4' 25". Contractæ aquæ diametrum fuisse 25 linearum, animadverti.

41. Fenestris M, D, X in pariete Vasis s obturatis, repletum fuit aqua Vas s ita, ut tantum super Vasis orificium non diffunderet; quare facta est aquæ

aquæ in Vase s altitudo linearum 542. Institutis Experimentis, conservataque eadem (ut semper factum fuerat) aquæ in Vase s altitudine, observavi; aquam tubi influentem Vas infimum p replevisse illud primo Experimento, tempore 2' 11"; secundo Experimento illud replevisse tempore 2' 10". Existente linearum 25 aquæ contractæ diametro.

42. Iterum vero, tubo sublato, affixa fuit Vasis medii foramini ferrea illa lamina, qua prius usi fueraimus, ea ratione, ut ipsius centrum in eadem esset aquæ altitudine, ac prius erat tubi axis; atque adeo aquæ in Vase altitudo foret adhuc linearum 542. Quibus ita se habentibus, duo fecimus similia prioribus Experimenta: & in eorum primo tempus, quo aqua exiens e foramine implevit Vas p, repertum est 3' 11"; in secundo tempus, quo pariter Vas p fuit impletum, repertum est 3' 12". Linearum 20 & 1:2 aquæ contractæ diametrum inita mensura comperimus.

43. Tunc Vasa hac ratione disposita remansere: aliquot post dies, cum vellem ad propria loca Vasa reportari, antequam id fieret, expertus sum iterum quanto tempore Vas p impleretur existente, ut prius, aquæ in Vase s altitudine linearum 542; & observavi fuisse repletum aqua effluente per tubum, tempore 2' 11": aqua vero effluente per foramen, tempore 3' 15".

44. Et jam supremam Libello huic imposueram manum, cum respicienti mihi ad narrata modo Experimenta spes objecta est fore, ut res omnis fieri posset illustrior; si hæc eadem, atque his affinia minoribus adhibitis foraminibus, minoribusque
tubis

tubis instituerem. Ergo, quia videbam minore aquæ copia ad hæc opus esse, domi per minora Vasa experiundi consilium sum executus. Adfuerunt Experimentis, quæ mox proferam ferme omnibus Viri Celeberrimi Antonius Vallisnerius Theor. Med. Prim. Professor, Ioannes Gratianus Ord. Phil. Prim. Professor, Ioannes Baptista Morgagnius Prim. Professor Anatomes, Professor Matheseos Nicolaus Bernoulli. Hi totum experiundi genus, tamquam facile, perspicuum, ac erroribus parum obnoxium probavere.

45. Habita sunt itaque Experimenta, eadem, qua ante, ratione; atque tantum hæc pauca nunc monenda mihi sunt: Vasis infimi p (quod pro rata portione ceteris multo minus erat) fuisse diametrum fundi pedis unius, pollicum sex; diametrum oris pedis unius, pollicum quattuor, linearum quinque; & altitudinem ad perpendicularum, nempe altitudinem aquæ ipsum implentis, pollicum undecim: hoc est, Vas ejus fuisse capacitatis, ut aquæ pollices cubicos 2560 contineret; huic Vasi superpositum fuisse perforatum operculum; ut quo momento aqua influens ipsum esset redundatura facilius cognosceretur: iisdem instrumentis, puta eodem tubo, eodem foramine, iterata fuisse Experimenta; quoniam vero sæpe in singulis idem tempus, quo repleretur aqua Vas infimum p, fuit observatum, ac vix unius minuti, si qua fuit, differentia percepta est; unicum duntaxat tempus pro experiendi modo quocumque me esse indicaturum: aquæ autem in Vase intermedio s altitudinem supra foraminum, & orificiorum centra extitisse in omnibus Expe-

Experimentis unius pedis, duorum pollicum, linearum decem; æqualem scilicet lineis 178.

46. Braſteam ferream tenuem, in cujus medio foramen erat circuli figura præditum, habens in diametro lineas novem, aptandam Vaſi intermedio curavi. Re; ut ſemper antea feceram, tentata; Vaſ infimum ꝑ impletum fuit tempore 1' 30". Hoc eſt, tempore 1' 30", pollices aquæ cubici 2560 ex hoc foramine effluxere. Diameter contractæ aquæ fuit linearum 7 & 1:2.

47. Deinde laminam æream fuſi, cujus craſſities erat quattuor quintarum partium unius lineæ; & factò in ea foramine referente figuram (id valde pertinet ad rem infra * dicendam) cylindri, * 48. cujus baſis diameter linearum novem, longitudo Axis quattuor quintarum partium unius lineæ; curavi, ut lamina ipſa Vaſi s intermedio aptaretur. Effluxere autem ex hoc foramine pollices aquæ cubici 2560 tempore 1' 33". Contractæ aquæ diameter obſervata ſecundum lineam Horizonti parallelam (ſecundum talem lineam obſervatæ fuere omnes reliquæ contractæ diametri, quæ recensentur) inventa eſt linearum 7 & 3:4; obſervata autem ſecundum lineam ad perpendicularum inventa eſt linearum 7 & 1:6; diſtabat huiusce foraminis centrum a Vaſis fundo pollices circiter duos. In quibuſdam etiam aliis Experimentis aliud agens videram huiuscemodi differentias; ſed ipſarum magnitudines diligenter non animadverteram.

48. Dictum modo eſt, foraminis in lamina ærea cavitati datam fuiſſe cylindri figuram, cujus cylindri longitudo quattuor quintarum unius lineæ, baſis

basis diameter linearum novem. Hujus cylindri una quinta pars intacta relicta est, post hanc lamina fuit ea ratione introrsum limata, ut reliquum foramen obtineret figuram frustuli conici, cujus minoris orificii diameter linearum novem, majoris orificii diameter linearum decem, longitudo trium quintarum partium lineæ unius. Affixa Vasi hac lamina ad eum modum, ut frustuli conici orificium majus partes Vasis internas spectaret, effluxere aquæ pollices cubici 2560 tempore 1' 15". Et fuit contractæ aquæ diameter linearum 8 & 1:5.

49. Inversa lamina, ut pars foraminis intacta, cujus diameter linearum novem, spectaret internas Vasis partes, effluxit eadem aquæ quantitas tempore 1' 30". Contractæ aquæ diametrum linearum 7 & 1:2 observavimus.

50. Tubis quoque rem tentavi. Neutra horum extrema pars in coronam reflexa: fuit autem in omnibus cylindraceæ cavitatis diameter linearum novem. Ex eo tubo, cujus longitudo pollicis unius, linearum sex, aqua effluxit, quæ impleret Vas infimum tempore 1' 12" & 1": 2. Semper diameter contractæ aquæ adeo parum differebat a diametro cavitatis tuborum, ut nihil certi potuerim consti-

* 30. tuere. Accedit, ante * indicatam hujuscemodi ineundæ mensuræ difficultatem, quæ præsertim oritur a perexigua quadam aqueæ venæ agitatione & a tremore veluti quodam luminis ab aquæ superficie reflexi, majorem fieri in aqua per tubos effluente ob tantillum auctam illam agitationem.

51. His & aliis quoque Experimentis cum operam darem, in aquæ ex tubis effluentis superficie aliquid,

aliquid, ut ita dicam, asperi animadverti. Atque etiam observata fuit aqua pellucida minus, quam cum per foramina efflueret, tunc etenim quodammodo crystallo similis esse videbatur.

52. Eadem aquæ quantitas, nempe cubicorum pollicum 2560, per tubum habentem in longitudine pollices tres, atque lineas tres effluxit tempore 1' 10".

53. Eadem etiam quantitas effluxit per tubum, cujus longitudo pollicum novem, tempore 1' 12" & 1":2.


54. Per tubum præditum longitudine pollicum quattuor, linearum novem, aqua effluxit, quæ implet infimum Vas, tempore 1' 10".

55. Lamina, quæ circumvoluta Cylindros hoscæ formabat, ejusdem erat crassitiei, ac lamina illa ærea, in qua foramen * insculptum. Postquam autem hoc ultimo tubo usus fueram quemadmodum ante * narraui, ipsius tubi orificium alterum * sic introrsum limatum fuit, ut referret frustulum conicum simile illi *, quod factum in foramine fuerat; quare tubi extrema una pars longa tres quintas partes unius lineæ in hanc figuram fuit transformata; reliquum tubi longum lineas quinquaginta sex cum duobus quintis intactum, quale prius erat, omnino remansit. Cum per limatam hanc partem aqua Vasis s tubum influebat, Vas infimum implebatur (hoc est effluebant ex Vase s pollices aquæ cubici 2560) tempore 1' 3".

56. Cum reposito tubo, aqua Vasis s influebat intactum tubi orificium, effluebat eadem aquæ quantitas tempore 1' 10".

57. Ex hisce omnibus illud satis liquet, in luminum emittentium aquam modo formaque res plures quidem a nobis fuisse mutatas, circuli tamen figura lumina aquam emittentia ad unum prædita omnia. fuisse. Vt vero

Fig. VI.



talis etiam figura mutaretur, in ea Vasis medii parte, ubi reliquæ laminæ affixæ fuerant, affigebatur lamella ærea, in qua foramen quadratum erat insculptum, cujus singula latera septem lineas cum duabus lineæ tertiis partibus longitudine æquabant. Per hoc foramen effluxit tanta aqua, quæ implevit infimum Vas (nempe pollices cubici 2560) tempore 1' 38". Contractæ aquæ diametrum cum metirer secundum lineam Horizonti parallelam inveni linearum 7; cum vero secundum lineam ad perpendicularum metirer, linearum 6 & 1:2 inveni. Si plano laminæ parallelo, atque ab ipsa lamina distante lineas duas secta fuisset aquæ vena, sectionis figura similis ferme extitisset & æqualis figuræ (Fig. VI.) v.

58. Equidem ejusdem aquæ elegans fuit venæ forma; quam satius existimo, apposita quasi imagine repræsentare, quam verbis describere. Itaque si alio plano laminæ parallelo & distante ab ipsa pollices quinque secta fuisset aquæ vena, talis plani cum vena sectio figuram formavisset ferme similem, & æqualem figuræ HLYP; cujus, secundum lineam

lineam Horizonti parallelam latitudo HY linearum 14; altitudo vero LP ad perpendicularum linearum 7.

59. Desuper sinistram partem hujusce venæ prope laminam infundebam atramentum, cujus atramenti colore insciebatur sinistræ partis venæ aqua: hæc tamen nigrantem colorem haudquaquam inducebat in proximam aquam illam dexteræ partis venæ; sed illa usque ad distantiam amplius duorum pedum a lamina sic moveri pergebat pura, quasi planum aliquod ad perpendicularum secundum mediam venæ longitudinem ductum alteram venæ partem ab altera divisisset.

60. His observatis, aliam laminam GR priori illi similem, similique & æquali lumine 1 perforatam fieri curavi: tum patentem parte superiore canalem æreum $FDCBAE$, cujus cavitas parallelepipedi figuram referebat, huic laminæ ferruminari ea ratione, ut canalis basis internæ $IBCO$ extrema pars OI lineas 7 & 2:3 lata congrueret inferiori horizontali lateri OI foraminis 1, ejusdem autem laterum FDC , EAB , quorum altitudo DC , AB pollicis unius, extremæ partes FO , EI congruerent partim lateribus foraminis, partim supra eadem latera congruerent laminæ ipsi: erat canalis longitudo OC pollicum sex (fracturam in latere FDC fictam esse, ut foramen 1 videri queat, satis per se manifestum existimo) Parieti Vasis medii aptato canale hoc, observatum fuit, aquam effluentem per foramen 1, & per ipsum canalem $FDCBAE$, influentemque Vas infimum replevisse hoc, tempore 1' 24". Animadverti in hoc Experimento, superiorem aquæ partem

E 2

prope

prope foramen sese contraxisse, ferme ut aqua ex nudo foramine exiens; atque adeo fuisse ibi ad canalium parietes humiliorem; progredientem vero ulterius ita se applicuisse parietibus canalium, ut prope exitum ABCD in medio aqua ipsa esset humilior, at prope parietes lineis duabus integris foraminis altitudinem superaret.

61. Canalis loco alium postea æreum tubum substitui, cujus cavitas erat parallelepipedo similis. Hujusce tubi singula latera orificiorum erant linearum 7 & 2:3; longitudo autem pollicum sex, uniusque lineæ. Tanta aqua, quæ implevit infimum Vas, nempe pollices cubici 2560, effluxit per hunc tubum, tempore 1' 17".

62. Cum desuper sinistram partem venæ aquæ effluentis ex hoc tubo prope exitum aquæ infudissem atramentum, ut ante feceram: observavi in distantia vix unius pedis ab orificio tubi aquam emittente cœpisse nigrantem colorem per totam aquæ venam diffundi.

63. Alia, præter hæc, feci Experimenta; alia etiam fieri posse animo concepi. Verum alia, quæ habui hac eadem occasione Experimenta, atque illa, quæ posse fieri intellexi, pluribus nunc non persequar; ne sim justo longior: sed plane aperiam quæ putem ex narratis Experimentis in rem nostram esse adducenda; ac quæ in eis patefieri tum nova, tum, ut ita dicam, valde mira, videantur.

64. Id autem, quod gravissimum est, in primis animadvertemus; non posse, ut hætenus fieri consuevit, ex quantitate aquæ effluentis per mensum foramen, dato tempore, constitui aut regulas, aut tabu-

tabulas ad dignoscendas omnes quantitates aquæ effluentis per alia lumina, ut ut notæ sint luminum magnitudines, nota tempora. Licet enim orificia luminum, per quæ fluere aqua, magnitudinis perspectæ essent, tempus vero prorsus cognitum; attamen ex his nihil certi elici posset. Nimum profecto aut vicinarum luminibus, aut reliquarum luminum partium figura valet ad quantitates aquæ fluentis ex orificiis æqualibus, & temporibus æqualibus, inæquales efficiendas. Quod cum ex narratis per se manifestum est; tum etiam ex iis, quæ & deinceps, & mox dicemus fiet manifestissimum.

65. Continuo inter se comparemus aquæ velocities, siue quantitates, quæ aut ex conicis frustis, aut ex majore tubo effluxere. Sic instituemus inter aquas fluentes per propositæ figuræ Castella quandam veluti comparisonem. In singulis illis (ut constat ex ante * dictis) longitudo erat eadem; in singulis eadem exitus magnitudo, hoc est, * 29. eadem magnitudo orificii minoris, ex quo emittebatur aqua; sed inter majora singulorum orificia, in quæ medii Vasis aqua influebat, nulla erat æqualitas. Immo tanta erat differentia; ut, cum conici frusti, in quod secundo * influebat aqua, diameter majoris orificii esset linearum 33, & conici frusti ultimo loco * adhibiti diameter majoris orificii, in quod aqua influebat, lineas 118 æquaret; insigni profecto magnitudinum differentia; non tamen insignis quantitatum aquæ differentia observata fuerit: quandoquidem tanta aqua, quanta opus fuit ad implendum Vas infimuni pertransivit * per hoc frustum conicum tempore (sumto medio
nume-

* 31. numero) 185"; transivit * autem per illud frustum conicum tempore 177". Hæc sane differentia est exigua: & in quantitibus effluxuum ex reliquis conicis frustis aut minor hac, aut ferme nulla differentia, comparatione facta, animadvertetur.

66. Declarat autem Experimentiarum eadem collatio, particulas aquæ impellentes in convergentem superficiem, atque ab hac reflexas vim ad augendas aliarum particularum velocitates aut nullam, aut certe perexiguam acquirere. Præter Experimentias vero id etiam ratio ipsa suadet. Nullum etenim corpus urgere valet corpus aliud, nisi urgens illo alio velocius moveatur. Qui itaque fieri poterit ut reflexæ particulae post reflexionem velocius, quam ceteræ particulae moveantur, atque adeo hæc valeant urgere? Quid si quispiam affirmet, reflexas particulas (qualiscumque denum talis reflexio sit) proximis particulis aliquod inferre impedimentum?

67. Quandoquidem verba sunt de conicis frustis, liceat animadvertere, ab horum minimis quantitates aquæ fluentis auctas satis multum fuisse; ut

* 48. observavimus * in foramine, ac in tubo, postquam
55. illius, atque hujus orificio attingenti aquam medii Vasis figura frustuli conici data est. Quæ quantitatum incrementa dicemusne ex eo præsertim effecta, quod aquæ particulae undiquaque ad orificium confluentes a superincumbente aqua prope orificium leniter ampliatum majorem motum recipere queant; non ita vero in majoribus conis ob majorem a columellarum superincumbentis aquæ distantiam? Anne addemus; credibile esse, per tubum posse aquam effluere majori copia, non modo quia

quia augeatur ipsius velocitas, verum etiam quia plura, nempe confertiora, aquæ filamenta per tubum ipsum possint æquali tempore pertransire?

68. Sed præstabit ad jam institutas comparationes reverti. Si igitur aquæ effluentis vel ex conicis frustis, vel ex tubo, vel ex foramine in ferrea lamina insculpto observatas quantitates consideremus, facile liquebit, quantitates ipsas decrescere a quantitate maxima usque ad illam convenientem conico frusto; cujus orificium excipiens aquam est æquale orificio aquam emittenti, quod esse debet frustum coni infinitam habentis altitudinem: decrescere vero etiam usque ad quantitatem convenientem illi frusto, cujus orificium excipiens aquam sit infinitum. Frustum illud tubus est; hoc autem est perforatum planum. Hinc concipi potest Linæ curvæ natura repræsentantis omnes quantitates; quod acriter intelligentibus innuisse in præsentia sufficiat.

69. Sic etiam concipere debemus, ex tubis, quorum cavitates æquales, longitudines vero inæquales, aquam effluere tali ratione: ex brevioribus minus aquæ exit; verum si hi aliquantum longitudine augentur, augetur etiam effluentis aquæ copia; tandem ex novis longitudinis incrementis fit, ut quantitas exeuntis aquæ decrescat. Idque constat, quoniam quantitates aquæ considerari debent tamquam in ratione temporum inversa; & observatum est, numeros exprimentes tempora effluxuum, primum crescentibus tubis decrescere; tum quasi æquales fieri ubi certam longitudinem habuerint tubi; deinde iis crescentibus, ipsa quoque tempora crescere.*^{447.}
Causa exempli; cum esset * primi tubi longitudo^{ad 54.}
quattuor

quattuor quintarum partium unius lineæ, secundi linearum 18, tertii linearum 36, quarti linearum 57, ultimi linearum 108; tempora pro aquæ quantitatis semper æqualis effluxu fuere ut hi numeri: pro primo 180, pro secundo 145, pro tertio 140, pro quarto 140, pro quinto 145. Si quis autem * 46. in tenui bractea foramen * pro tubo brevissimo velit habere: ex dictis, ut duplex decrementum exinde sequatur facile intelliget.

70. Nunc, ut comparationem rebus nostris aptius accomodemus, fingamus quæso, Castella, per quæ Fluviorum aquæ derivantur, habere eandem, ac conica frustra figuram, & æquales longitudines, æqualiaque minora orificia; exitus scilicet, per quos effluens ex Castellis aqua Fossas ingreditur: quibus positis, ut ut deinde ponamus, majora orificia talium frustorum, nempe Adituum a Fluminibus in Castellis inter se magnitudine differre plurimum; nihilo tamen minus semper differre parum admodum quantitates aquæ per ipsa Castella effluentis, habita Experimentorum ratione, comperiemus. Hæc sane Experimenta, quoniam in ipsis cum satis magna conica frustra adhibita sunt, tum satis velox fuit aquæ motus, suadere queunt, a majori magnitudine, seu velocitate hanc Naturæ legem minimum posse mutari.

71. At si non fingatur, eandem esse Castellis, & conicis frustis figuram; adhuc minores erunt differentiæ, quæ ex variis aquæ Adituum (*Fig. I.*) ex magnitudinibus oriri queunt. Nam præter dicta, id quoque considerandum erit. Constat, aquam non ita per lumina effluere, ut aquæ columnæ incum-

incumbentes luminibus totæ simul descendant; sed ita, ut partes inferiores aquæ prius exeant: idque ex aqua effluente, quæ tarde * inficitur nigro colore injecto in aquæ summum, facile liquet. Hinc in orificio cujuscumque luminis, atque adeo in orificio majori cujuscumque conici frusti cuncta aqua inferior ex proximis locis circumquaque ad effluendum concurrat: sic in majoris orificii partibus & lateralibus, & superioribus, & inferioribus locum ad ingrediendum in conicum frustum invenit aqua majorem, quam reperire queat in orificio minori ad effluendum: at in Castellorum Aditu CD a Flumine aqua invenit quidem in lateralibus partibus locum ad ingrediendum in Castellum majorem, quam reperiat in Ostii exitu EF; majorem tamen locum ad influendum neque habet in superioribus partibus Aditus, neque in inferioribus. Et superficiei convergentis minus est, pro rata portione, in Castellis, quam in conicis frustis.

72. Neque illud prætermittendum videtur, aquam in nostris Experimentis nullum nancisci potuisse locum alium, qua efflueret, præter minus frustorum orificium; quamobrem vi quadam majori debuisse conniti: at aquam in Castello, quæ per Ostium EF exire nequeat, amplum spatium reperire, per quod fluat; sequi etenim patentem Fluminis alveum AG; idque moliri, ut aquæ partes Fluvii ripis, & Castellî lateribus contentæ in quadam virium æquabilitate conserventur.

73. Quamvis autem, ut institutum meum sequar, nec plura, nec peculiaria addere velim; vel sola tamen consideratio Experimentorum videtur manifeste

F

ostende-

ostendere , me conjectura veritatem esse assecutum : quippe qui sim opinatus , semperque defenderim , pro æstimanda quantitate aquæ transeuntis per Castellum $CDEF$ latera habens convergentia , non debere magnopere attendi Aditus CD a Fluvio magnitudinem ; sed magnitudinem Ostii exitus EF ; cum nempe aquæ copia sequatur rationem Ostii exitus EF multo magis , quam Aditus CD . Reapse vero tam admirabilem , tantamque rationem inter aquæ copiam & exitus orificia detexi (quæ in ipsis Experimentis luculenter apparet) ut ego qui dumtaxat conjectura rem prospiciens numquam adduci potueram , ut crederem , parvi non esse faciendam ipsam magnitudinem Aditus a Flumine , & qui in antedicta mea sententia persisteram ; nihilo tamen secius post hæc observationes mihi visus sim vix fecisse ipsam magnitudinem Aditus tam parvi , quam erat facienda .

74. Iam ostendimus fere omnem , ut arbitror , locum comparationis quantitatum aquæ per conica frustra effluentis ; & indidem , quid sentiendum videatur de quantitate aquæ transeuntis per Castella , quæ latera habeant convergentia , deduximus : quambrem pergamus ad ea , quæ circa narratas hætenus Experimentias restant . Restat autem differentia inter copiam aquæ transeuntis per tubos , & aquæ per foramina transeuntis : restat venarum aquæ contractio : restant animadversiones quædam legum a Natura in hisce rebus observatarum , atque modi , quo res ipsæ a Natura perficiuntur .

75. Itaque si cui forte mirum sit visum , paribus ceteris rebus , exiguam esse differentiam inter aquæ effluen-

effluentis per varia conica frustra ante descripta quantitates ; immo etiam inter hæc , & quantitatem aquæ per tubum * jam descriptum transeuntis ; huic * 34. sane multo magis videbitur mirum , per tubos plus aquæ effluere , quam per foramina insculpta in laminis (ut multis in locis ante * narratum est) quamvis tuborum orificia sint prorsus æqualia foraminibus ipsis ; quamvis facta aquæ supra centra tuborum altitudine æquali altitudinis aquæ supra foraminum centra ; quamvis temporibus effluxuum sumtis æqualibus . Et quidem illud etiam mirum videtur , quod tubus extra Vas positus possit aquam Vase contentam incitare ad effluendum majori , quam per nudum foramen fecisset , copia : illud præterea valde mirum , quod aquæ vena , quæ per nudum foramen exiens , post exitum a foramine gracilior esset , si offendant tubum foramini adpositum (sic enim tubi orificium tamquam foramen , cui appositus tubus sit , potest considerari) quasi pellecta a parietibus tubi intumescat ad tubum ipsum implendum . Hæc autem præter opinionem , & præter rationem conceptam animo fuere . Præter opinionem ; namque , cum nemo eorum , quorum opera vidi hæc dixerit , nemo hæc indicaverit , nemo visus sit hæc conjecisse , nemo visus incidisse in talium rerum suspensionem , ego nullo modo opinabar , res ita esse . Et præter rationem dixi , nam contrarium videbatur ratio suadere ; cum aqua transiens per tubum (*Fig. IV.*) IAZ collidatur cum internis ipsius tubi parietibus , & retardetur magis , quam aqua per nudum foramen DP liberrime effluens : nec quidem Experimenta desunt ; in quibus , aquam ex nudo

foramine saluisse altius, quam ex tubo, fuerit observatum; observatum autem a Doctissimo Experimentissimoque Viro Mariotto, ut ipse narrat in eo Libro (pag. 356) cui de aquarum Motu titulus est.

76. Ad causam tamen afferendam hujuscemodi rerum a Mariotto observatarum quispiam fortasse adhibebit agitationem illam, quæ in aqua ex tubis effluente observatur tantillum major, quam in effluente ex foraminibus nudis. Qua nempe fieri possit, ut quædam veluti aquæ particularum conflictio retardans motum major sit in aqua ex tubo effluente, quam in aqua ex foramine exeunte & magis sane ordinatim fluente. Certe Mariottus ibi non de quantitate aquæ verba facit, sed de illa, ad quam aqua ascendere potest, altitudine. Porro aquam effluentem per tubos agitari magis, quam agitur aqua per foramina effluens, demonstrat cum attractionem, quod citius * per totam illius aquæ ve-
 * 59. nam diffundi observatum est, tardius * vero per venam aquæ hujus; tum etiam ipsum lumen de-
 * 51. clarat, quod visum est * rectius permeare venam aquæ effluentis ex foramine, quam venam aquæ exeuntis a tubo. Quæ oppido phænomena explicari minime posse videntur; nisi, in venis aquæ transeuntis per tubos & partes atramenti perturbari & aditus lumini intercludi a majore aquæ agitatione, dicatur.

77. Sed ab agitatione aquæ venarum ad contractionem earundem transcamus. Proclive autem erit intelligere; confirmari ex allatis Experimentis rationem inter diametros foraminum, & aquæ contractæ diame-

diametros a Viro Summo Iſaaco Newtono, ut ante * diximus, conſtitutam. Non tamen inficias ive-^{* 27.}
 rim, perexiguam aliquam differentiam intereſſe inter
 contraſtiones aquæ effluentis ex minoribus forami-
 nibus, & aquæ contraſtiones ex majoribus effluent-
 tis. Antea * deſcripti foraminis in lamina ferrea^{* 35.}
 diameter ad diametrum aquæ contraſtæ fuit in ea
 ratione, quam habet numerus 52 ad 41; cum New-
 toniana ſit ratio numeri 50 ad 42. Sic, omnino eadem
 lege non ſemper contrahi aquæ venas, oſtendunt variæ
 contraſtiones in aquæ a variis fruſtis conicis efflu-
 xu obſervatæ; quin etiam huc debebunt referri il-
 læ, quas animadverti, differentiæ inter diametros
 ad perpendicularum ſumtas, & diametros ſecundum
 lineam Horizonti parallelam menſas. At quanta ſit
 differentia inter aquæ contraſtiones non auſim de-
 finire: neque vero illa Newtoniana ratio inter dia-
 metrum foraminis, & contraſtæ aquæ diametrum
 ſumi debet ceu præciſa, cum ipſe Vir Summus in
 citato * opere (pag. 304) hæc habeat: „ exiſten-^{* 27.}
 „ te ejus „ (nempe aquæ contraſtæ) „ diametro
 „ ad diametrum foraminis ut 5 ad 6, vel 5 &
 „ 1:2 ad 6 & 1:2 quamproxime, ſi modo dia-
 „ metros recte dimenſus ſum „. Hæc autem po-
 ſtrema verba referri poſſe videntur ad illam ante *^{* 30.}
 indicatam difficultatem incundi quampræciſe hujus-^{50.}
 cemodi menſuras. Quæ tamen difficultas (ut rem
 clarius proferam) impedit quidem præciſam men-
 ſuram, ea tamen ratione impedit, ut poſſim pla-
 ne credere, me in majoribus menſuris, cum ab-
 erraverim, a vero aberraviſſe minus tertia lineæ
 parte; & in minoribus menſuris minus quinta lineæ
 parte:

parte : Newtonum autem parte his minore.

78. Modum autem , quo crassescunt in tubis aquæ venæ nunc in medio relinquam. Aliis fortasse opus est Experimentis: forte, si tubi, habentis eandem, ac foramen aliquod, diametrum variæ partes ipsi foramini variè aptentur, aut circum aquæ venam in distantia aliqua detineantur, aut quidpiam simile fiat, non incassum labor infumetur. At hæc persequi in præsentia non debeo.

79. Vtunque igitur sit de his aliquando faciendis Experimentis: illud manet, neque ex aliis, ut opinor, Experimentis confirmationis indiget; minus aquæ per nudum foramen, quam per tubum, cujus cavitatis diameter æqualis diametro foraminis, temporibus æqualibus, pertransire (dummodo tamen ne rubi longitudo immodica sit) Porro ad unum omnia Experimenta, sive aqua per orificia illa majora effluxerit, sive per minora alia, aperte demonstrare, constanter legem hanc a Natura servari.

80. Et si vero perutiles usus cognitionis hujusce Naturæ legis non sim pluribus expositorus; nemo tamen, qui primis, ut dicitur, labris gustaverit Hydrometrium, dubitare poterit, quin miræ hujusce legis a Natura servatæ cognitio perutilis sit illis, qui in fluentium corporum motuum ortorum a fluidis superincumbentibus explicatione versentur. De his vero utilitatibus nihil addam; ne, si quispiam hanc rem forte jam noverit, videar in prædicanda re haud nova nimium immorari; si vero (ut opinor) res nova sit, ne videar ipse mihi in eadem nimium placere.

81. Non tamen id impedire debet, quin sequar expositionem ejus legis, qua tales aquæ effluxus Natura ipsa moderatur, quamobrem uno tempore plus aquæ per tubum effluit, quam per foramen orificio rubi æquale. Tanta vero apparuit in factis Experimentis differentia; ut observatum sit, aquam effluentem per tubum (majorem ex adhibitis) superavisse tertia ferme integra parte aquam per foramen (ex adhibitis majus) DE effluentem. At, de his rebus antequam dico, animadvertam; repugnantia aeris, quem influit, & perrumpit aqua ex foramine effluens, differentiam hanc tribui non posse: nam, præterquamquod parum retardari ab alia aqua potest (ut ego expertus sum) aqua celeriter fluens, si aquam influat & perrumpat, atque adeo multo minus ab aere, illud videtur dubitationem omnem tollere; quod si aqua ex foramine effluens influit aërem, etiam aqua ex tubo effluens eundem influit aërem; quamobrem ex resistentia aeris hæc oriri non potest differentia.

82. Nunc id, ipsa re efflagitante, animadvertam: id autem initis calculis fit manifestum. Variæ quantitates aquæ, temporibus æqualibus, effluentes ex tubo sunt in ratione subduplicata altitudinum aquæ superincumbentis: pariter vero quantitates aquæ ex foramine effluentes, quamvis differant a quantitatibus per tubum effluentibus, comparatæ tamen inter sese in subduplicata altitudinum superincumbentis aquæ ratione comperiuntur seu (quod idem est) cum quantitates habentur æquales, tempora sunt in ratione reciproca subduplicata altitudinum. Causa exempli: cum aquæ in Vase s altitudo esset partium
lineæ

- lineæ millesimarum 128000; tempus, quo certa copia aquæ per foramen effluxit, fuit * 397": cum aquæ in Vase s altitudo esset partium lineæ millesimarum 542000; tempus, quo aquæ copia illi
- * 42. priori æqualis per foramen effluxit, fuit * 192": ratio subduplicata reciproca numeri 128000 ad numerum 542000 est ratio numeri 736 ad numerum 358; quæ est eadem ferme ratio, ac temporis 397" ad tempus 192"; nam $736:358 = 397:192$; ergo cum quantitates effluerunt æquales, tempora 397", & 192" fuerunt in ratione reciproca subduplicata altitudinum convenientium 128000, & 542000. Atque adeo hæ quantitates aquæ per tubum effluentes, æqualibus temporibus, fuere in subduplicata altitudinum superincumbentis aquæ ratione. Ex aliis comparationibus aut temporum, quibus certa illa aquæ quantitas per tubum effluxit; aut temporum, quibus exiit per foramen, veritas eadem potest commonstrari.

83. Hinc magni momenti, diligenterque animadvertendum Corollarium habebimus: servari nempe a Natura hanc legem; ut aquarum, ob vim aquæ superincumbentis fluentium, quantitates semper sint in subduplicata ratione superincumbentis aquæ altitudinis: nec tamen nisi accurate animadversis, quæ deteximus, phænomenis, & magna cautione, varias quantitates aquæ ex variis dissimilibusque luminibus effluentes posse inter se comparari.

84. De ipsâ autem re, post visâ ante relata Experimenta (ut me ad naturam differentiarum inter tubi, & foraminis emissiones convertam) sic sentio. Pono, quascumque particulas ex Vasis luminibus effluen-

effluentes premi ab aquæ columella, cujus basis diameter sit diametro particulæ æqualis: pono, quascumque particulas compressas a suis columellis tantam acquirere ex ipsa compressione velocitatem, ut velocitates quarumcumque effluentium particularum sint in subduplicata ratione altitudinis superincumbentium aquæ columellarum: pono per quædam Ostia posse effluere pauciores particulas, propterea quia effluentes aliquæ particulæ ita dirigant oblique suos motus, ut impedian proximarum aliquas; per alia vero Ostia faciliorem exitum esse particulis pluribus, propterea quia particulæ quodammodo recta effluentes aut aliis paucis, aut nullis sint impedimento: idque multo majorem vim habere possit, quam illud, a quo timebam *, * 75. cum aqua transiens per tubum colliditur cum internis ipsius tubi parietibus.

85. Quod si varias quantitates aquæ effluentes ex eodem foramine, variis existentibus aquæ in Vase altitudinibus, comparemus inter se; & comparemus pariter inter se varias quantitates aquæ effluentes ex eodem tubo, existentibus altitudinibus variis aquæ in Vase; credibile est, cur tam illæ quantitates reperiantur in subduplicata ratione altitudinum, quam etiam hæ in eadem ratione reperiantur, potissimam causam esse, quod tam quælibet ex paucioribus particulis illarum, quam quælibet ex harum pluribus a superposita sua columella velocitatem eadem proportionem recipiat.

86. Id videtur quidem confirmari ab aquæ effluentis per foramen contracta illa diametro, cujus mentionem supra * fecimus, & cujus observationes * 26.

G

passim

passim attulimus . Nam illa aquæ contractio cum indicat jam propositam suarum particularum directionem, tum negat, ut ita dicam, diversa ratione explicari.

87. Sed quæ tandem causâ sit, cur in propositis effluxibus particulae aliæ aliis obliquius, ut innuimus *, dirigantur, cur in foraminibus magis aliæ alias impediunt, quam in tubis, dictum est difficilius . Num quid in orificium foraminis impingentes circumvolvuntur particulae aquæ, ac ad medium tendunt; atque adeo impediunt alias: a tubi vero parietibus recta diriguntur, & aliis impedimento non sunt? an aliqua sit vera attractio; aut, quemadmodum placet aliis attractiones pulsionis vocabulo nominare, sit quasi magnetica aliqua pulsio? An quæ plus satis effectum demonstrant Experimenta non satis sunt ad causas ostendendas, &
- * 78. alia, ut indicavi *, requiruntur? At nemini (si eos excipias, qui quidpiam proferre malunt, quam „ fateri nescire quod nesciunt „) necesse videbitur, ut uno tempore observentur Phænomena & eorundem etiam Phænomenorum causæ explicentur. Egrege C. Plinius Cæcilius Secundus de fonte, qui „ ter in die statis auctibus, ac diminutionibus „ crescebat, decresebatque, Licinio scribens, periculum falsæ causæ Phænomeni illius proponendæ declinavit: „ scrutare tu „ (inquit) „ causas, potes enim, quæ tantum miraculum efficiunt. Mihi „ hi abunde est, si satis expressi quod efficitur. „ Quidni mihi exigui ingenii Homini non abunde erit (saltem in præsentia) si quod efficitur observaverim?

88. Vt obscura caussa rei propositæ sit; iis quæ exposuimus jam, plane perspectis, illud clarum, & vero simillimum videtur, de quantitate aquæ transeuntis per Castellum, cujus latera convergant, certius, quam ante, judicium asferri posse. Hæc enim Experimenta motuum, qui habent cum motibus per proposita Castella similitudinem insignem, facem quodammodo præferre videntur, ut effluentis inter Castellorum convergentia latera aquæ motus nobis perspecti esse queant. Plura non addo, quæ ad hæc Castella spectent, quatenus sunt mensura veluti quædam quantitatis aquæ influentis diversionum Fossas, quod primum * nobis ante oculos posueramus. * 20. Equidem credam, satis me fecisse, si nova & solida jecerim fundamenta; fastigium tempore feliciore imponetur.

89. At Castella non tantum aquæ mensura veluti quædam sunt, sed etiam aquarum violentiæ opponuntur, & id illud alterum * est, in quod * 20 inquirere proposuimus. Quoniam vero tam valida esse debent munimenta, ut ab impingentibus in ipsa corporibus disjici non possint; me non frustra consumpturum esse operam judicavi, si aquæ impulsus, quibus Castellum latera impetuntur, expenderem. Ne autem ulla sit verborum ambiguitas, designabo statim quænam res significantur ab iis vocabulis, quorum, ut videtur, potest multiplex esse interpretatio.

90. Vt moveantur corpora, quæ suapte natura inertia sunt, aliquid aptum natum ad corpora ex uno in alium locum transferenda ipsis proculdubio debet accedere, ac semper tale aliquid urgere ipsa

corpora debet , ut pergant moveri ; deinceps id , quo feruntur , sive urgentur corpora ipsa , Motus Causam appellabo .

91. Si aliquod corpus motum in corpus aliud impingat , ex eo autem impulsu duntaxat partem sui motus deperdat ; impulsus illum Pressionis vocabulo nuncupabo .

92. Quod autem a pressione efficietur dicam Impressionem .

93. Et quoniam pressiones fortiores , debilioresque variis de causis esse queunt ; ideo quod a pressione qualibet effici potest dicam Pressionis Momentum .

94. Si aliquod corpus motum in aliud corpus agat , & agendo motum omnem suum consumat ; id , quod effectum erit a corpore ita agente , appellabitur Moti Corporis Effectus Integer .

95. Et causa hujus effectus integri dicetur Vis Viva .

96. Sive autem extinguatur omnis motus , sive non ; hujusmodi actiones ad unum veluti summum genus adductas nominabo Impulsus .

97. His ita constitutis ; ordiar nunc a pressionibus aquæ in Castellorum latera impingentis ; quarum momentis variandis inclinatio linearum & velocitas , quibus in molem sibi oppositam impingunt aquæ particulae , plurimum conferunt .

98. Quod attinet ad inclinationem linearum , per quas aquæ particulae in oppositum aliquod planum feruntur sic ponendum videtur . Si aqua , data quadam celeritate impingat ad perpendicularum in planum aliquod A , deinde etiam eadem celeritate ,
sed

sed sub angulis obliquis in planum aliud B primo illi A æquale, impressio, quam patietur planum A ex aqua rectis angulis incurrente, ad impressionem, quam patietur planum B ex aqua incurrente obliquis angulis, erit in duplicata proportionem sinus totius ad sinum obliqui anguli incidentiæ. Id a Cel. Hermannii Phoronomia (pag. 238) ferme descripsimus; ibi etiam demonstratio est. Quoniam vero aquæ ad perpendiculum incurrentis poterit impressio æstimari; & anguli, quibus convergunt Castellorum latera, sic etiam illi, quibus in ipsa latera aquæ impellunt, cognoscuntur; facile fiet, ut quæ attinent ad inclinationem linearum, per quas feruntur aquæ particule in opposita convergentia Castellorum latera, expediantur. Neque vero hisce illud addam, quod aqua ratione diversa, ac solida corpora vim exercent; & ipsius partes sibi invicem creent aliquod impedimentum: quibus in rebus, animadversione sane dignis, jam Docti aliqui Viri fuere versati.

99. Quod vero attinet ad aquæ velocitatem; modo * vidimus qua lege velocitates æquales cum qua-^{* 98.}libet motus directione consociantur. At si circumstantiæ reliquæ pares sint, impressiones in Castelli latera erunt ut ipsæ velocitates, neque in re ista quidpiam difficile potest offendi. Temperare autem mihi non possum de velocitate dicens, quin aliqua adhuc de ratione inter velocitates corporum, ipsarumque effectus integros proferam. Cum etenim dicenda de aquæ in Castellorum convergentia latera impingentis motu, qui profecto a gravitate enascitur (a gravitate enim cogitur Fluviorum aqua

aqua patentes Castellorum Aditus subire) me quasi deduxerint ad universum impulsuum corporum motorum genus considerandum ; operæ pretium me facturum judicavi , si quæ animadverterim exponerem hic , atque hujusce universi generis proprietates quasdam attingerem , adumbraremque naturam . Ad id autem nunc aggrediar ; cumque id erit absolutum , finem Libri faciam .

100. Vt itaque modo propositum præstem , illud in primis videtur attendi oportere ; quæ ratio sit inter velocitates motorum corporum atque eorundem vires vivas velocitatibus ipsis respondentes . Nam fuerunt qui dicerent , hæc vires (ponam usque ad ultimum Libri , omnia corpora æqualibus ejusdemmodi particulis esse æque densa ; qui volet , servatis , ut ajunt , servandis , corpora densitatum inæqualium poterit substituere) hæc , inquam , vires esse in ratione composita ex corporum & velocitatum rationibus ; alii autem voluere , ipsas vires esse in ratione composita tum ex ratione corporum , tum ex velocitatum duplicata ratione . Quæ postrema sententia etsi vera est , Adversariis tamen non caret ; quod notavit etiam Cel. Hermannus in sua Phoronomia (pag. 113) „ non ignoro „ , inquit , „ perplures esse Insignissimos Viros , quibus talis „ (postrema scilicet a nobis exposita) „ vires æstima- „ mandi ratio non arrideat , existimantes , eam a „ quantitativis motus petendam esse „ .

101. Hæc controversia quousque non dirimatur , non modo aquarum Experti nescient pro suis operibus quid vivæ vires corporum valeant ; sed etiam in tota fluidorum solidorumque corporum
Mecha-

Mechanica res plures obscuritate involutæ haud levi difficultate obstruentur. Hæc autem enunciatio tam vera est, atque perspicua, ut exemplis illustrari minime indigeat. Quare ut rem persequamur ipsam; a Viro Summo God. Gulielmo Leibnitio (in Actis Eruditorum Lipsiæ editis anno 1686 pag. 161) „ brevis „, ut ipse ait, tradita est, „ Demonstratio „ Erroris memorabilis Cartesii, & aliorum circa „ legem Naturæ, secundum quam volunt a Deo „ eandem semper quantitatem motus conservari, „ & in re mechanica abutuntur „. Quem errorem magna cura tollendum esse, Doctissimum Virum prorsus censuisse existimo, quod in ceteris ejus operum mathematicorum inscriptionibus res appellari „ memorabiles „ nusquam reperio.

102. Vt ex hac demonstratione id sumamus, quod ad rem attinet nostram, animadvertemus; primum a Leibnitio poni, „ corpus cadens ex certa altitudine acquirere vim eousque rursus assurgendi, si „ directio ejus ita ferat, nec quicquam externorum „ impediat „ : quod in Pendulorum motu esse evidens, ait.

103. Secundum vero; „ tanta vi opus esse ad „ elevandum corpus „ (*Fig. V.*) „ A unius libræ „ ad altitudinem DC quattuor ulnarum, quanta „ opus est ad elevandum corpus B quattuor librarum usque ad altitudinem FE unius ulnæ „.

104. Quibus positis demonstrat, „ corpus A delapsum ex altitudine CD præcise tantum acquisivisse virium, quantum corpus B delapsum ex „ altitudine EF „.

105. Corporis autem A delapsi in D velocitas expri-

exprimitur binario numero, & unitate velocitas corporis B in F delapsi; utpote quia velocitates in ea esse debent ratione, in qua sunt confectorum jam spatiorum quadrata latera; quæ spatia cum se habeant ut quaternarius ad unitatem, latera esse oportere in ratione binarii ad unitatem, dilucide apparet.

106. Modo, pro virium æstimatione, si unitas, qua exprimitur corpus A libræ, ducatur in quadratum numeri binarii exprimentis velocitatem convenientem Corpori A delapso in D, habebitur quaternarius numerus exprimens Corporis A delapsi in D vires. Et si quaternarius, quo exprimitur corpus B quadrilibre, multiplicetur per quadratum unitatis exprimentis velocitatem convenientem Corpori B in F delapso, quaternarius numerus procreabitur; sic vires Corporis A delapsi in D, & Corporis B delapsi in F exprimentur æqualibus numeris; quare talis expressio consentiet cum iis, quæ ante fue-

*104. re * constituta.

107. Quod si illud idem Corpus A unitate expressum non in quadratum numeri exprimentis velocitatem, sed in ipsum numerum ducatur, prodibit vires exprimens binarius numerus; sique pariter Corpus B quadrilibre quaternario expressum numero ducatur in ipsam unitatem, qua velocitas exprimitur, numerus quaternarius exprimens velocitatem procreabitur: qua ratione vires Corporis A delapsi in D, & corporis B delapsi in F inæqualibus numeris exprimentur; contra ac evenire oportere supra * fuit declaratum.

*104. * fuit declaratum.

108. Ut itaque vires vivæ corporum exprimantur, non esse Corpora in velocitates ipsas ducenda,

ut

ut modo * fecimus (ac ut ,Cartesiani præcipiunt) *^{107.}
 sed ducenda esse in velocitatum quadrata, ut ante * actum est, constituit Leibnitius concludens; *^{106.}
 vires esse in composita ratione corporum & altitudinum effectricium velocitatis: namque hujuscemodi altitudines in eadem sunt cum quadratis velocitatum ratione.

109. Contra hanc tamen Leibnitii sententiam argumenta quædam (in Actis Eruditorum Lipsiæ editis anno 1689 pag. 183) protulit Clar. Dionysius Papinus statuens in primis, ea proprietate esse prædita cadentia Corpora, ut dum cadunt æqualibus temporibus æquales partes velocitatis acquirant. Idque cur fiat posse apprime explicari defendit; si detur, reapse vigere materiam illam conficientem circum Terram conversiones velocissimas, quam ceu gravitatis causam Cel. Hugenus proposuerat. Et, principio adhibito eodem, probare contendit, vires esse ut tempora, non ut spatia descensuum; hoc est in eadem ratione cum velocitatibus, non cum ipsarum quadratis. Hæc autem argumenta tantum indicavimus:

110. Nam ad ipsa respondens (qui objectionum etiam Clar. Ab. Catelani mentionem fecit) Leibnitius (in Actis Eruditorum Lipsiæ editis anno 1690 pag. 228) laudavit quidem Papinum, ipsum tamen „ statum controversiæ non satis attigisse „ dixit; & nova quædam, ut rem confirmaret, adjunxit. Atque ibi clarius indicavit (pag. 230) vires efficientes naturalem motum in eadem ratione cum ascensuum vel descensuum spatiis esse habendas: quæ spatia cum sint ut quadrata velocitatum, satis

H

vide-

videtur credibile, voluisse Leibnitium, tales vires; & causas motuum obtinere rationem velocitatum duplicatam.

111. Capta vero argumenti illustrandi occasione; eodem loco cum doctrina, tum exemplo usus sanxit Leibnitius, Cartesianam sententiam ad motum perpetuum mechanicum adducere, quod idem reputatur, ac adducere ad absurdum. Ut vera tamen fatear; ab argumento hoc solo, si contra sentirem, haudquaquam moverer.

112. Non conquievit de re sua Papinus; sed aliqua deinde attulit (in Actis Eruditorum Lipsiæ editis anno 1691 pag. 6) quibus sententiam suam tueri nititur: in his tamen cum ratiocinationis vitiumprehenderit Leibnitius (in iisdem Actis, eodem anno, pag. 439) Papino causa melior non fuit. Ibidem vero monuit Leibnitius fore, ut rei a se jam propositæ veritas meditati Papino facile appareret.

113. Alia deinde in hanc rem subtilissime differuit Leibnitius, ipsaque edidit in eo opere, cui specimen Dynamicum titulus est (in Actis Eruditorum Lipsiæ editis anno 1695 pag. 145) Prodiit præterea (in volumine primo pag. 541 Elementorum Matheseos Cel. Wolfii) Viri Summi Ioannis Bernoulli ex elastorum quorundam viribus demonstratio, qua itidem concluditur, „ vires corporum „ æqualium esse in duplicata ratione celeritatum.

114. Cum omnia hæc animo mecum ipse reputarem; nesciremque dubitare de iis, quæ protulisset Leibnitius, quæ alii Doctissimi Viri adoptavissent; mirabar tamen, cur verbis & rationibus ducta
esset

esset controversia potius, quam re; curque Leibniti-
 us Papinum * iussisset meditari, non autem ius-^{112.}
 sisset experiri. Videbatur mihi, reperiri aliquem
 posse (etiam extra Pyrrhonis scholam) qui dubita-
 ret, an ad librare attollendum corpus ad altitudi-
 nem quattuor pedum eadem requireretur vis, ac
 ad corpus quadrilibræ attollendum ad unius pedis
 altitudinem; quod verum esse debet, ut stet Leib-
 nitii principium *: quin etiam fortasse aliquis mo-^{103.}
 tuum compositionem, corporisque in clastrum in-
 currentis vim haud clare percipiens, in Bernoullia-
 na demonstratione * causam aliquam sibi fingeret^{113.}
 dubitandi. Rebar autem, aliter sentientibus occasio-
 nes contradicendi omnes potuisse adimi, si ad co-
 gnoscendas corporum vires ipsis fidelibus oculis
 commissum opus fuisset. Nempe si experiundo fuis-
 set observatum, an in subiectum aliquod corpus ef-
 fectus integer corporis libralis (hæc quantitates,
 exempli causa, adhibemus) cadentis ex altitudine
 pedum quattuor sit æqualis effectui corporis qua-
 drilibræ ex pedali altitudine cadentis. Ita illud alte-
 rum *, quod assumpsit Leibniti-^{104.}
 us certissimum esset; cum id, quod primo * assumpsit, ex Pendulorum^{102.}
 motuum Experimento jam constet: ratiocinatio * ve-^{104.}
 ro ipsius diligens atque optima sit. Inde etiam cum
 res proposita manifeste appareret, clarum ferri fa-
 cilis posset ab omnibus de Cel. Bernoulli elegan-
 tissima demonstratione iudicium.

115. Cogitanti ergo mihi venit in mentem, me
 legisse olim in P. Riccioli Libris quædam Experi-
 menta, quæ ad corporum impulsus pertinere videren-
 tur. Et ipsa inquirens comperi (in Apologia pro suo

Argumento Physicomathematico edita anno 1669) variis modis ipsum Ricciolum , cui operam suam conferebat etiam Montanarius , curasse , ut inter vires eas , quas ad percutiendum acquirit corpus cadens , & altitudines , ex quibus cadit corpus ipsum , rationem cognosceret ; quibus Experimentis permotus hoc constituit Theorema : „ ex percussione „ differentia , quæ fiunt a gravi decedente colligitur aut æqualis , aut major differentia altitudinum , quam sit differentia percussione „ . At Experimenta haud multum cum Theoremate consentiunt : nam quando ea singula cum Theoremate contendas , sæpe comperies , ipsa contra hoc facere , neque certam ullam rationem ex ipsis elici posse . Citat Ricciolus Gassendum ; vidi autem Gassendum quædam de ratione pressione corporum cadentium proposuisse : licet , ut narrat (Operum Vol. III. pag. 564 & seq.) haud feliciter in aliquo sit ad eam cognoscendam Experimento versatus . Merfenus etiam rem aliquam tentavit , qui (in Reflectionibus physicomathematicis pag. 108) habet : „ addo peculiarem observationem sæpius a me factam , quæ notatu digna videtur „ . Observatio autem hæc : in unam Libræ lancem immittebatur ex altitudine duarum tertiarum partium digiti globus æneus uncialis , qui vi cadendo acquisita attollere poterat oppositam lancem , in qua pondus octuplo gravius erat : duplum autem pondus vincebat idem globus ex altitudine quadrupla cadens , triplum ex nonupla . At , qua Philosophum ingenium decet , fide id postea narrat ; „ nusquam potuit „ ex sexdecupla sua diametro cadens globus duas „ libras ;

„ libras „ ; hoc est ponderis primi quadruplum at-
tollere : aliasque notat a ratione proposita aberratio-
nes ; licet harum causas explicare modo alio co-
netur . Etiam P. Franciscus Tertius de Lanis quæ-
dam huc pertinentia expertus est , quæ paullo in-
fra dicentes de Riccioli Experimentiis indicabimus .
Neque vero hic ponam quæ de pendulis tradita sunt
a Leibnitio (in Actis Eruditorum anni 1695 pag.
155) Hæc , quamquam Experimenti loco esse quo-
dammodo videntur , sunt tamen ejus naturæ , ut
rem ipsam facile non prodant .

116. His rebus & illis , quæ mox * dicam animo* 117.
perpensis , constitui rem tentare sedulo : & , etiamsi
ex natura pressio-
num , si ab his fuissẽm orsus , quæ-
dam nostræ rei utilia elici posse viderentur , aliam ta-
men sequi viam satius fore , credidi . Ex iisdem etiam
rebus intelligere proclive erit , aliter de impulsuum
natura sentientibus potuisse ansam quandam ambigen-
di præberi ab Experimentis ; si iidem aut non recte
distinguerent inter motorum corporum impressio-
nes , atque vires vivas ; aut nimiam adhiberent
fidem iisdem Experimentis , quæ a Viris quamvis
Doctissimis habita , singula tamen (ut vera fatear)
aliquid præferunt incerti . Ob id enim eorundem
naturam pluribus non exposui .

117. Et quidem animadvertenti mihi Experimen-
ta ipsa , modus ille utendi pondere cadente in alte-
ram Libræ lancem , ut observari posset quantum pon-
deris in altera Libræ lance elevaretur , apparebat
ceu difficilis , & quem nimix circumstantiæ vitiare
possent . Neque profecto parum lubricus videbatur
modus alius , a Ricciolo primum usurpatus quo , de
effecti-

effectibus cadentium corporum judicandum est ex altitudinibus, ad quas immergitur in aquam lignea pila cadens ad perpendicularum ex variis ab aquæ summo distantis. Ad hunc modum, præter Ricciolum, multa tentavit P. Franciscus Tertius de Lanis (ut narrat in Magist. Vol. I. pag. 162) sed per ipsum Experimentorum genus non licuit Viro, quamvis sollertissimo, veritatem invenire. Remanebat immersio stili in molle corpus: Ricciolus etenim consuevit supra superficiem planam corporis (puta sevi, cææ, luti) mollis erigere stilum ab imo præacutum, cujus vertici firmiter scutella imposita esset: deinde globum ejusdem diametri, ac scutellæ cavitas ex variis altitudinibus demittebat ad perpendicularum, ut videret quot stili partes molle corpus penetrarent: non tamen paucis incommodis hic modus laborat. Incommodum vero magnum commune est omnibus his rationibus experiundi, quod inæquales causæ ad cognoscendos inæquales effectus adhibeantur; quare satius duxi curare, ut æquales haberentur effectus: eo etenim medius fidius exploratiores deteguntur veritates, quo faciliora haberi queunt Experimenta.

118. Vas, in quo erat gelatum sebum ad altitudinem unciarum sex, æquabili pavimento clavix confixeram ea ratione, ut sevi summa superficies, quæ plana erat, a pavimento superficie æqualibus ubique distaret intervallis. Curaveram fieri duos globos æquales: quorum alter ex plumbo erat, alter ex orichalco, & hic partes medias tantillum habebat cavas; ut cum ille penderet pondo libras duas, hic unam penderet. Hi globi e lacunari filis appen-

appensi erant, ut impenderent Vasi, in quo seivum; distarent autem a sevi superficie iis intervallis, ut levioris globi a sevi superficie distantia dupla esset distantiae globi gravioris. Resectis deinde filis, globi in seivum cadentes ad perpendicularum foveas similes, ac prorsus æquales fecerunt in ipso seivo: indicio manifestissimo; corpus librale cadendo emetiens spatium, quod exprimatur binario numero, antequam redigatur ad quietem, edere effectum æqualem illi; quem edit bilibre corpus, quod cadendo spatium emetitur, unitate exprimendum. Sequitur itaque ut statuatur: tunc æquales vivas vires corporum cadentium esse, cum ipsorum propria pondera rationem habent reciprocā ejus, quam habent spatia ab iisdem corporibus cadendo emensa. Et quoniam hæc spatia in eadem ratione sunt cum quadratis numerorum exprimentium velocitates, perspicuum fit etiam ab Experimento; vim vivam cadentis corporis, esse id, quod sit ex corpore ipso ducto aut in spatium, quod cadens emensum est, aut in quadratum numeri, quo velocitas ipsius corporis in fine motus exprimitur. Neque vero semel hoc habui Experimentum; sed sæpe; mutatis pilis, mutatis distantis, mutato corpore, in quod pilæ caderent, substitutis nempe aut luto, aut molli cera: ex eadem tamen effectuum constantia observata, eandem semper esse in hac re Naturæ rationem, facile deprehendi.

119. Ergo præstat id animadvertere. Vires motorum corporum in effectibus iis, in quibus producendis totæ consumuntur (ut vires nostrorum globulorum totæ consumuntur fuere efficiendis in seivo foveis)

foveis) visuntur esse in ratione composita ex simplici corporum & velocitatum duplicata . Vires enim motorum corporum, sive motus ex gravitate (ut motus illi globulorum) enascantur, sive ex alia quacumque causa, ejusdem naturæ sunt; iccirco efficitur ex ante propositis & consequens est, a viribus vivis omnium motorum corporum obtineri rationem compositam ex simplici corporum, atque velocitatum duplicata: quod cum demonstratis a Leibnitio, & Bernoullio apprime consentit. Quod si in producendis effectibus vires non consumantur; quam sint debiliores æstimari poterit: & quidem apparet, tantam esse naturalium motuum, quamvis variorum, cognationem; ut quæ dicuntur de integris motorum corporum effectibus conducant haud parum ad intelligendam etiam eorum effectuum naturam, qui hoc integrorum effectuum vocabulo nequeunt nuncupari.

120. Cum vero multa propositis rebus cognata in hoc libro interferuerim, mihi que id faciendi licentiam consuetudine veluti quadam comparaverim; liceat hic etiam pauca de motu ex percussione corporum orto interponere; ut æstimationis virium motorum corporum aliquis alius usus appareat. Ac de concursu corporum (quæ prorsus elastica fingo) dicam, cum scilicet velocius unum in alterum aut quiescens aut segnius motum impingit. Satis autem ex se manifestum est, in tali corporum concursu ne hilum quidem virium vivarum perire posse: ubi enim causa, quæ valeat rem aliquam destruere, non adsit, ibi rem eandem integram manere necesse est; quod evenit in corporum
elasti-

elasticorum concursu, quo vis viva aut tota, aut ex parte ab uno corpore migrat in aliud; nihil autem fit, cujus opera ulla pars ejus destrui queat. Sunt autem vivæ vires, sicut ante * ostendimus,* 119. ut velocitatum quadrata: & plures velocitates æquales in corpore quocumque concipi possunt, prout corpus ipsum in plures partes æquales (numeris exprimendas) divisum concipitur: quare corporis ipsa vis viva referenda est numero, qui ex numeri illius, cujus radix quadrata velocitatem corporis exprimat, per numerum particularum, hoc est per integrum ipsum corpus, multiplicatione procreatur.

121. His itaque positis, si sit aliquod corpus velocius impingens (usuvenit, ut corpora, quæ in alia incurrunt & incidunt, impingere, sæpe dicantur) in aliud tardius; ac nominentur, corpus velocius M , ipsius velocitas V , corpus tardius m , ejusque velocitas v , erit vis viva in illo MVV , in hoc mvv ; quarum virium summa, si ante compulsum sit æqualis quantitati alicui datæ b' (hoc est habeatur Aequatio $MVV + mvv = b'$) erit etiam, ut facile liquet ex modo dictis, post compulsam summa virium eadem, quæ ante; nempe $= b'$.

122. Et, cum motus sit id, quod ex corpore ipso per propriam velocitatem multiplicato progignitur, erit corporis M motus $= MV$, & corporis m motus $= mv$. Constat autem tum ratione, tum Experimentis habitis a Viro Summo Isaaco Newtono, ac ab aliis Viris doctrina industriaque Clarissimis, non mutari ex ipso compulso summam

I

motuum

motuum concurrentium corporum: quare, si ante compulsum alicui quantitati datæ aa erat æqualis motuum summa ($MV + mu = aa$) etiam post compulsum erit ipsa summa quantitati eidem æqualis.

123. Propter hæc, si ponamus, post concursum corporum M , & m , esse corporis M residuam velocitatem ignotam $= x$; & ignotam velocitatem corporis m , compositam ex priori, & ex superaddita in compulso esse $= y$; jam poterimus * hæc
 122. æquationes componere $Mx + my = aa$; & $Mxx + myy = b'$: ex quibus sane elicietur quid valeant ignotæ.

124. Nam separatis demtisque x , & y fient duæ Aequationes, in quibus si loco aa , a' , b' substituantur ipsis convenientes cognitæ quantitates, formabuntur hæc duæ aliæ; $y = (2MV + mu - Mmu) : (m + M)$ & $x = (MV - mV + 2mu) : (m + M)$. Quæ formulæ consentiunt apprime cum illis, quas in *Mechanica* (pag. 630) *Cel. Wolfius*, & in *Phoronomia* (pag. 119) *Cel. Hermannus* posuere. Ex istis vero omnia Theoremata ad corporum elasticorum compulsum spectantia elicientur facillime: atque signo uno, aut altero commutato (ut semper eadem contrariorum motuum differentia servetur) elicientur pariter omnia Theoremata spectantia ad motus corporum, quæ sibi invicem occurrunt.

125. Quæ etsi aliter ab aliis demonstrantur, diversis principiis assumtis; atque iis, aut saltem alterutro (nam animadverti, a *Cel. Hermann*o unum fuisse adhibitum pro principio) eorum, quæ nos
 pro

pro principiis habuimus, positis inter illa, quæ sunt demonstranda: reor tamen valde præstare, si principiorum loco potissimum hæc ponantur, quæ in impulsu quocumque visuntur constantissime servari ab ipsa Natura.

116. Sed a re, quæ propositæ rei cognata est, ad propositam ipsam, & a diverticulo, ut ajunt, in viam revertar. Vidimus, vivas corporum motorum vires esse in ratione composita ex simplici corporum, & velocitatum duplicata. De Demonstratione autem causæ, cur vires in hac ratione sint, superest, ut quædam indicemus. Demonstrationem inventam fuisse reor, non tamen editam. De ipsa sic habet Leibnitius (in Actis Eruditorum anni 1695 pag. 154) „ Porro ad veram virium æstimationem, & quidem prorsus eandem, diversissimis „ itineribus perveni: uno quidem a priori, (nempe Demonstratione de qua loquimur) „ ex simplicissima consideratione spatii, temporis, & „ actionis (quod alias exponam) altero a posteriori, vim scilicet æstimando ab effectu, quem „ producit se consumendo „. Et Hermannus ita scripsit (in Libro alias citato, cui titulus est Phoronomia pag. 113) „ In hac virium æstimatione præeuntem habemus Illust. Leibnitium, qui „ eandem non uno loco in Actis Eruditorum Lips. „ indicavit quidem, non tamen demonstravit, etsi „ apodictice demonstrari potest, ut forte alia id „ occasione ostendemus „.

117. Hæc tria, magnitudo causarum motus, velocitates, effectus integri quodammodo ante oculos debent collocari; horum etenim omnium diligens

contemplatio ad cognoscendum quid efficiat, cur effectus integri motorum corporum habeant eandem proportionem comparationemque, quam habent ipsorum velocitatum quadrata, conducere maxime potest. Iam vero per Experimenta certum est, esse effectus integros in eadem ratione cum velocitatum quadratis.

128. Motus autem causas esse in eadem ratione cum integris effectibus illis, qui sunt in duplicata velocitatum ratione, vero simillimum videtur. Nam; primum Cel. Leibnitii quædam sunt in Actis
- * 110. Eruditorum (aliquid alibi * indicatum a nobis est) Lipsiæ editis enunciationes, ut id illi probatum fuisse videatur: & deinde, præter summi Viri auctoritatem, ratio quoque luculenta non deest. Quid enim credibilius esse potest, quam effectus habere eandem rationem, ac habent causæ propriæ, convenientesque? Sic credibile maxime est, causas motuum, & effectuum illorum, quos cum producant, causæ consumuntur totæ, esse in eadem cum ipsis effectibus ratione; atque ita rationem velocitatum duplicatam obtinere. Sive autem motus causæ longius tempus impendant, ut consumantur, sive brevius; id semper attendi debet, consonum esse veritati, tantam vim requiri in causa ad producendum aliquem effectum, quanta vis in producendo ipso effectui adhibita observatur (quandoquidem ex solo tempore talis vis non augetur) hinc a tempore non impediri, quin vires effectrices motuum, atque adeo causæ motuum eandem habeant rationem, atque effectus integri, quibus ipsæ consumuntur.

119. Cum hic sit talium rerum status, satis manifestus apparet locus, unde fons inquirendæ demonstrationis. Atque in eo loco (quasi transformaretur quæstio) caput illud videtur, ut quæratur; cur fiat, ut velocitates eandem habeant rationem, quam causarum motuum quadrata latera; quod remur declarari oportere: neque etenim persequi possumus, tamquam si essent diversa, ea, quæ eadem naturæ communione continentur. Sed nonnulla mehercule videntur esse, quæ ad id declarandum quasi in antecessum examinari debeant, momentoque suo ponderari. Nonne præstabit attendere id, quod corporibus, ut moveantur, primum accedit; sive modum, quo agitur primum in corpora, deinde acta quadam certa velocitate; & quo, non puncto temporis, verum post innumeras moventis actiones certam illam velocitatem acquirunt corpora ipsa interim, dum certum aliquod spatium motu accelerato percurrunt? Non proderit expendisse actiones, quibus corpus, causa exempli, cadens ex quiete per datum spatium sollicitatur in singulis ejusdem spatii punctis? quæ actiones si repræsententur per Applicatas respondententes Abscissis referentibus spatia a corpore cadente descripta; aream ab hisce Applicatis formatam (quippe quæ actionum illarum summam exprimere potest) esse ut quadrata velocitatum respondentium, Newtonus (in Principiis Mathematicis Naturalis Philosophiæ pag. 112) aliique sanxerunt. Verum si res non posset his confici? proponamne fore quærendum, an propria materiæ inertia debeat reputari pro

modo , quo sit assequenda hæc , quæ remaneat , declaratio?

130. Sed nihil de his nunc constituam; satis est indicavisse . Malo equidem expectare quid alii de hujuscemodi rebus omnino sentiant, atque interim assensum firme sustinere. Quamobrem huic Libro nihil in præsentia addendum. Prætermitto etenim, positis causis motus in duplicata velocitatum ratione, futuros fortasse, qui putent, vulgata aliqua ratiocinia spectantia ad velocitates aquæ ex Vasorum foraminibus effluentis, atque ad corporum alios nescio quos motus, posse iterum ad limam (ut ajunt) incudemque reduci . Quod si debuisssem reverti ad motus aquæ, certe addidisssem: constitutum esse a Celeberrimis Viris Ioanne Bernoullio, & Hermannno (in Actis Eruditorum anni 1716 pag. 375) „ aquam per foramina mi- „ nora ex Vasis erumpere æquali celeritate, quam „ gutta aquæ acquirere potest descensu accelerato „ per altitudinem parem illi, quam aqua habet „ supra foramen „ : jam vero traditum fuit, Grave cadens motu accelerato conficere uno (ut loquuntur Astronomi) minuto secundo pedes 15 & 1:12, nempe lineas 181: quare aquam effluentem per foramen, supra cujus centrum aqua sit alta lineas 181, effluere debere ea velocitate, quæ in fine motus convenit Gravi ex altitudine linearum 181 cadenti: at me in Experimentis animadvertisse, habita etiam contractionis aquæ ratione, velocitatem ipsius aquæ valde esse minorem: ergo in hæc res amplius esse inquirendum; atque velocitates cadentium Graviorum, & velocitates effluentis aquæ,

aquæ, & aquæ lentorem (quem tamen parvi facio)
& res similes hac ratione comparatas non tan-
tum sibi ipsis invicem, verum etiam toti Scien-
tiæ Mechanicæ lumen posse non obscurum afferre.

F I N I S.



TABVLA D PONATVR
c regione paginæ 11.



E R R A T A.

Pag. 9 lin. 7 *pro* affert *lege* afferat P. 24 l. 9 *post* genus *adde* hoc & l. 24 *post* iidem
adde ex minoribus P. 29 l. 4 & P. 30 l. 15 *post* desuper *adde* in P. 33 l. 22 *post*
 aquam *adde* temporibus æqualibus P. 41 l. 19 *pro* resistentia *lege* repugnantia P. 42
 l. 9 *post* nam *adde* ferme P. 47 l. 29 *pro* ipsarumque *lege* ipsorumque P. 56 l. 32
 dele pondo P. 58 l. 12 *post* debiliore *adde* hi prope

NOI RIFORMATORI
Dello Studio di Padova.

A Vendo veduto per la Fede di Revisione, ed Appro-
bazione del P. Fr. Tommaso Maria Gennari Inqui-
sitore nel Libro intitolato, Ioannis Poleni in Gymna-
sio Patavino Philosophiæ Ordinariæ Professoris
de Castellis per quæ derivantur Fluviorum aquæ
Liber, non v'esser cos' alcuna contro la Santa Fede Cat-
tolica; e parimente per Attestato del Segretario Nostro,
niente contro Principi, e buoni costumi; concediamo Licen-
za a Giuseppe Comino Stampatore in Padova, che possa
essere stampato, osservando gli ordini in materia di Stam-
pe, e presentando le solite copie alle Pubbliche Librerie
di Venezia, e di Padova.

Dat. li 13. Giugno 1718.

- (Francesco Soranzo Proc. Rif.
- (Giovanni Pasqualigo Rif.
- (Michiel Morosini Rif.

Agostino Gada'dini Segr.



P A T A V I I. C I O I O C C X V I I I .
E X C U D E B A T I O S E P H V S C O M I N V S .


2

1931





11 --





005659557

Digitized by Google

